

# U BWĒGI BWA KANG'ŌSI



Ndaga ugwe, Nkundwe Edmonds. Ntwa akusaye ugwe.

Amayolo manunu, mwebinangu. Ikyene naloliloli lo lusako kang'i ikilo iki ukuya apa mu Kitēmbē kya Bulilānisi. Akabalilo kako une nākindilepo, pamusi apa, nukukéta kūko ikyene kyāliko, kang'i une nākētīle ilisyu, "Bulilānisi," ili lyāmfwānāga une itolo nubutalusye. Une nkiganile ikyo, Nkundwe Edmonds. Bulilānisi, ikyo kyo iki uswe tukwītika.

<sup>2</sup> Umwinangu ugwaiyolo, uyu akīndīle itolo ukuya nu Ntwa, mwe bīngi ba umwe mubagīle ukummanya umwene, Dok. F. F. Bosworth, mwe bīngi ba umwe. Umwene āli muno mu Phoenix, une ngusubila, na une akabalilo kamo, u moyo unkifu fiyo. Kang'i umwēne āli u . . . āli u—u . . . Umwēne āli nkemesīgwe nnyāmbala unkāngāle, lōli āli gwa nyāngālo. Kang'i umwēne alinkuyoba kwa une, akabalilo kamo, umwēne alinkuyoba . . . Une ndinkūmilisya ukuyoba isya bulilānisi. Kang'i umwene alinkuti, "Nkundwe Branham, ugwe umenye ukuti ubulilānisi bo fiki?"

Une ndinkuti, "Ena, une ngwinogona lulo, Nkundwe Bosworth."

<sup>3</sup> Umwene alinkuti, "Ikyene kyo binitu babili mu sitima yimo." Polelo, kang'i ikyo kyo kufwana kitalusye, ukuyabana ikyūmba na yumo nu nnine.

<sup>4</sup> Kang'i une ngētīle bīngi ba umwe mwālīnwīsiye ifiboko fyīnu, ukuti mummēnye Nkundwe Bosworth. Ukuya ukuti—ukuti umwe mwālīmēnye umwēne, une itolo ngulōnda ukuyoba i lisyu limo ilya kabalīlo kāke aka ka bumalikisyo apa pa kīsu. Une nalimmenye umwene akabalilo kamo akingipo. Kang'i umwene ali panja apa ikulumbilila Inongwainunu nu kwiputīla ababine, bo une ngāli ngapāpigwa. Polelo umwe mubagīle ukuketa ubukusi ubu umwene aali. Ntwa alimmwitikisye umwene ukuya nu bumi, une ngwinogona, ukufwana ifyinja malongo-lwēle-na-fihano, ikindukimo bo ikyo, kang'i pope unnyambala unkifu ugwaiyolo akabalilo kako umwene afwege.

<sup>5</sup> Akabalilo kāko umwēne āli malongo-mahano-na-mabili-na-fihano, une ngusūbila ikyēne kyāli, umwēne na une nāli ku . . . Une ngwitika, i Hoteli ya Edgemont mu Miami. Kang'i uswe twāfumile pakuya ni fyītu—fyītu i fyākulya, nukusōka pānja ku kiloboko kya sūmbi kūko amayiga gīsaga nkati, ukwakukētēsya u mwēsī gukusōka. Kang'i apa une nāli, kifuki fyinja malongo mana mbukusi, ifibega fyangu figwīle pāsi, ngwenda panja bo lula. Kang'i umwēne, kifuki malongo-mahano-na-mabili-na-fihano, itolo ukuya itolo ngoloke mūmo umwēne ābagīle ukuya. Kang'i une ndinkunketa umweene, kang'i

une ndinkunonyowa umweene. Kangi une ndinkuti, “Nkundwe Bosworth, une ngulonda ukukulalusya ugwe ililalusyo.”

Umwene alinkuti, “Kindililaga itolo, Nkundwe Branham.”

Kangi une ndinkuti, “Ngimba ugwe uli kanunu fiyo?”

<sup>6</sup> Umwene alinkuti, “Lululu lilino.” Ena, polelo, une ndinkwipilika ni soni pa nimwene. Kangi umwene alinkuti, “Ugwe kwibwa ukuti une ne itolo mwanike, gwabumi mu nyumba ingulu,” umwene alinkuti. Kangi yula aali Nkundwe Bosworth.

<sup>7</sup> Akabalilo kako une nāpilike ukuti umwene ayaga pakwagana nu Ntwa, Une itolo kifuki nālyōkikye amatāyala ukufuma ku ligali lyāngu, ukubūka ukusuluka ku Miami, ukumbona umwēne. Kangi akabalilo kāko unkasi na une twāfilikile kula. . .Kangi i kikolo kya Bosworth kangi ikikolo kyītu fiyīle bīnāke abakulumba. Kangi uswe tulinkubūka nkati. U tāta gwaiyolo alāmbalele pa katala akanini. Kangi umwēne alinkusumuka mmwanya, untu gwāke gwakipāla unnini, unnīni, ingōngi insekele alinkungolelela pānja kwa une, bo *ulo*. Amasosi gikusuluka mmasaya gangu. Une ndinkunkamanda umwēne mu ngōngi syāngu, kangi une ndinkukūta, “Tāta gwāngu, tāta gwāngu, amagileta ga Israeli na banyāmbala bafalasi palapala!” Panongwa yakuti, linga āliko siku unnyāmbala unkāngāle uyu ābikilēmo siku uluyīndiko mu bugute bwa kiPentekosti, icyēne āli Nkundwe Bosworth. Umwene naloliloli aali. Umwene aali liluba ilikulumba.

<sup>8</sup> Kangi umwe mumenye, ikindu kyākwānda umwēne ikulōnda ukubōmba, ko kumbūla une akasūnga akanini, bo *ulo*, umwe mumenye.

Kangi une ndinkuti, “Nkundwe Bosworth, ndimba ugwe kuyaga kanunu?”

<sup>9</sup> Umwene alinkuti, “Umma, Nkundwe Branham. Une ngaya mbine mma, ukwanda itolo.” Umwene alinkuti, “Une itolo ngubuka ku Kāya.”

Une ndinkuti, “Ena, ikyo kyo kinunu fiyo.”

<sup>10</sup> Uswe twāli itolo twīsile ukufuma ku ngunda gwa Africa, umwene na une. Umwene alinkuti, “Une ne itolo ndi nkangale fiyo ukuya nu bumi kangi mma.” Umwene alinkuti, “Une ngubuka ku Kāya.”

Une ndinkuti, “Nkundwe Bosworth, ngimba ubagile ukundagila fiki une isyakubōmba?”

<sup>11</sup> Kangi umwene alinkuti, “Syalaga ni Nongwainunu.” Kangi umwene alinkuti, “Gomokela ku ngunda gwa butumigwa nakalinga muno ugwe ubagile.” Alinkuti, “Ulo lo lufundo lwangu.”

12 Kangi une ndinkuti, “Nkundwe Bosworth, ikindu kimokyene ukongelelapo une ngulonda ukukulalusya ugwe.”

Umwene alinkuti, “Ngimba ikyo kyo fiki, Nkundwe Branham?”

13 Une ndinkuti, “Lilino, ugwe ubikile mula ifyinja malongo ntāndātu panongwa ya Ntwa, mu bubombelo, pamo lumo ukongelelāpo.” Kangi une ndinkuti, “Mo ndili kāli kabalilo akāko akākusāngaluka-ukukīnda mbumi bwāko?”

Umwene alinkuti, “Lululu lilino.”

Kangi une ndinkuti, “Nkundwe Bosworth, ugwe umenye ukuti ugwe kufwa?”

14 Umwene alinkuti, “Une ngabagila ukufwa. Une ndinkufwa ifyinja fingi ifi fikindilepo.” Kangi une . . . Umwene alinkuti, “Nkundwe Branham, fyosa ifi une mfiganile nukupakikisya ku fyinja malongo ntāndatu, Une ngukētesya kuli Umwēne ukwīgula ikifigo kila ku kabalilo kalikōsa nu kwīsa, ukunyēga une.”

Une ngwinogona isya ikyo, *U Lwĩmbo Lwa Bumi*:

Myumi gya bāndu abakulumba gyōsa  
gikutukūmbusya uswe  
Uswe tubagile ukwāndula imyumi gyītu,  
Ni ndekano, sikuleka kunyuma kwa uswe  
Amakato pa misānga gya kabalilo.

Kangi umwene naloliloli ālekile amakato, kwa une.

15 Bo umwene akāli ukufwa, pamo, pa- . . . alinkukindilila mu Lwimiko, ukufwana isala yimoyene, pamo ukōngelelapo, bo umwene akāli ukufwa, umwene āli mu luko lumo agonile ku sala inandi, kangi unkasi gwake, abanake abalumiana, abaganigwa bala bimile ukusyungutila, kangi unnyambala unkangale yula alinkusumuka, alinkukelengania, alinkusumuka, kangi alinkubopa ukukilania ikipālo, nu kuponia amaboko nu nna uyu ākīndile ku fyīnja fīngi, nu gwīse. Kangi kuli ukukīnda i sala yimo, umwēne āponisye amaboko na bāndu, ikuyoba, “Uyu yo Nkundwe Yohani. Ena, ugwe gwālisile kwa Kristi mu lukomano lwangu mu Joliet, Illinois. Apa alipo Nkundwe. . .” Ikuponania amaboko na bapīnduki bāke aba bāfwile, nkyēne kuli ifyīnja fīngi.

16 Une—une ngubabula umwe, utubalilo tumo une ngwitika ukuti mu sala iyī uswe tukukilania ukufuma nkisu ukubuka mu kingi, Une ngusubila utubalilo tumo akabalilo kako. . . Ikisoko kisakuyaga kikafu ukukikilania, mulimosa, umwe mumenye. Une ngusubila lumo u Ntwa ikuyoba ku baganigwa bitu, “Buka kula ku kisoko nukwagana abene pāsi kula.” Kabuno bo Yakōbe āyobīle, uswe twisakubūngāna na bāndu bītu ilisiku limo.

17 Une nīne ngulōndesya ilisiku lila ukwisa. Kangi polelo akabalilo kāko une ngindilepo nu būmi ubu apa, pamo Kyala

ikufika ukumalana na une apa, kangu une ngukēta ukuti une mbokile ulupaso lulilōsa ulu une nābagile ukwēga, nēndilemo ukukīndamo akagunda kalikōsa ka mīfwa, kangu ngwēlile akāmba kalikōsa, Une ngulonda ukukēta ku nyuma, ngete kūko une nāliko, akabalilo kāko une ngwisa ukusuluka ku kisōko.

<sup>18</sup> Une bwila njobile, bo bandu abalaangi apa, abene bali nako akimbo akanini aka abene bikwimba, “Une ndikulonda nu lutamio nalumo pa kisoko.” Une ngulonda ukugolosa icyēne mosa lilino.

<sup>19</sup> Itolo lumo ukubika ulūbo ukugomokesya mu nyāmbi, nukufūla ikitili, nukukilāmbalika icyēne pāsi pa kiloboko, nukufyusya ifiboko fyāngu mmwanya, nukuywēga, “Twāla panja ubwāto bwa būmi, Tāta. Une ngwisa ku kāya ulubunju ulu.” Umwene isakuyaga pala. Komma ukupasya. Une ngwitika ikyo. Une ngwinogona ikyo kyo kinyonyo kya ndumbula yiliyosa.

<sup>20</sup> Lilino, ulwēne lo lusako lwāpamwanya ukuya apa ikilo iki nu ntīmi uyu unganigwa ni kipānga kyāke, kangu imbombo insāngalusye iyi, kangu aba bābo bikuyāta mwa Kristi, mu bumalikusyo ubu bwa Phoenix. Namanga, nalōli, uswe twe bayāti. Uswe twe bendanjila kangu bahesya apa. Uswe tukulondalonda a Kaya.

<sup>21</sup> Mumo une nayobaga ulubunju ulu ukusulukila kwa Nkundwe Fuller, pa Luyungu Lwabunyafyale. Lilino, linga umwe muli ni fisimbilo fya matepi, une ngatēdekamo siku ukuyoba. Lōli kyālipō ikindikimō kyābonīke ulubunju ulu, ukuti une . . . Linga umwe muli nakyo ikisimbilamatepi, linga umwe mukwēga yimo mwa matepi aga, une nsisimikisye umwe mukupālisya icyēne. Nkundwe Maguire alinago agēne, kangu *U Luyungu Lwabunyafyāle Lwa Abrāhāmu*.

<sup>22</sup> Muketile, Uluyungu lwa Abrahamu lwāli Isaka, uyu yo gwa kiYuda, icyakipeligwa. Loli u Luyungu Lwabunyafyale lwāli Kristi, ukwisila mu lufingo, kangu ukuti Kristi āli Lisyu lya Kyala lipeligwe ukuboneka. Kangu icyene kili mu ndumbula yitu umwisyugu mumo uswe . . . “Linga une . . . Ugwe kwitugasya mwa Une, kangu i Lisyu Lyangu mwa ugwe, polelo suma aka ugwe gwiganile, kangu icyene kisakubombeligwaga kwa ugwe.”

<sup>23</sup> Lilino, une nāyobile ikyo, isya Phoenix, utubalilo twingi ukufuma une nāli kuno . . . Akabalilo kāngu kākwānda kakwisa kāli fyīnja malongo matatu-na-fihano ifi fikīndīle. Kangu pamwanya pa lwa 16 na Henshaw, une nītūgasyāga, nābōmbāga pa Circle R Ranch panja apa, ukufuma mu Wickenburg. Kangu une ndinkubuka nu ndindwana unnini pala pa lya 16 kangu Henshaw. Une nābūkile ukwākulōndesya ubuyo ilisiku ilīngi, kangu ulwēne lukaya nukuya Henshaw kangu mma. Ulwēne lo Buckeye lilino. Kangu akene ko kaya akanywamu mulamula mu kibānja kya Phoenix apa. Kilikyosa kisanusīgwe lūlo.

24 Kangi nkasi na une nābūkile ukufyūka pa Kyāmba Kululu, ukukēta kunyuma pamwanya pa Phoenix. Une ndinkwīnogōna, kifuki ifiyīnja bamia batatu ifi fikīndilepo, kula lumo kukāliko nakimo apa lōli abakāmbwe, ifiyīnja, na fyōsa bo ifyo. Kangi lilino akēne ko kāya akakulumba akamogi. Lilino, une ndinkuti, “Lūki, ngimba akēne kapīndwīke pamo kaniongasīgwe? Ugwe ubagile ukubombela ulusalō lwako. Kwa une, akēne kaniongasīgwe lilino. Panongwa yakuti, imiyūmba imikulumba igi ni miyēngō imimogi gyābagile ukuya minunu linga abanyambala na bakikulu bendaga ukufyuka-nu-kusuluka mu ngindi, na maboko gabo kwa Kyala, ukuntufya Kyala, na bakundwe na bakalumbu bītugasyēge ngati; mbuyo bwakunwa, ukukina injuga, ukukwēsa, ukusyōba, ukuhiya, ifilabu fya bwalwa, filifyosa ifi fibibi. Pakati pa fyosa ifyo, palema . . .”

Polelo unkasi alinkuyoba kwa une, “Polelo, Billy, ngimba ugwe uli kuno kuli fiki?”

25 Une ndinkuti, “Loli, lūki, ukufuma pāpo uswe twītugēsye apa, amaminiti kalongo-na-mahano, malinga amabusyōbi gabūlīgwe ukwisila mu kikoga kila? Ngimba amītikāno malinga aga gābōmbīgwe, i Ngamu ya Ntwa paitolo? Sogoto silinga, ukunwa kwa kachāsyo kulīnga, amabulogwe malinga aga gabōmbīgwe, kangi ukukīnda mōsa mula, itolo nkanini akabalilo kabumalikisyo, akabalilo kāko uswe tuli apa?”

Umwene alinkuti, “Ngimba kila kikaya kipelalutende?”

26 Lōli une ndinkuti, “Apa po kilipo iki uswe twīsile apa, lūki. Silinga inyīpūto sifyūkile mmwanya ukufuma pāpo uswe twālī apa? ‘Ugwe gwe Lumuli lwa kisu.’ Ikyo kyo iki uswe twīsile apa, ukubika ifibega fyitu ni fipanga ifinini ifi apa, ukubomba kilikyosa iki uswe tubagile, ukukitula ikyene ukukikindilīla nkyeni. Ukuya i . . .”

27 Umwe mwesa, umwe bikemo, muli lusayo kwa une. Une ngusubila ukuti une nguyaga lusayo kwa umwe, mu kuyāta apa. Kangi une, akabalilo kāko une nāsyagénie ukuti une nguyaga pakuyātīla ifipānga-fipāgūke ifikīndāne ni fipāngānio, kangi—kangi ifipānga ifikīndāne, na fyōsa bo ifyo, abakundwe ukwisila mu kikōga kya Phoenix apa, indumbula yāngu yisangalusīgwe. Ikyo kikwisa bo lukālī u lukomano-ulukulumba ulu une nguyaga pakuyoba, ku lukomano-lukulumba lwa Christian Business Men pa, une ngwīnogōna, fyakulēmbusya fya Mpyāgilo ndubunju, kangi polelo u lukomano lwa pa Ndungu pamusi, ukukōnga, pa Ndungu ugwakukōnga gula. Kangi ikyene kyo akabalilo kosa lusako ulwakwagana na bakundwe bala. Une ngwinogona abene bali ni fikota bamia malongo-mabili-na-bahano pala. Kukuyaga ikikūndiko kya fwāsi ya kwītūgāsya kuli twēsa ba uswe. Kangi uswe tukusūbila ukwāgāna na umwe kula.

28 Kangi polelo ukuya na kabalilo aka ka bwīnītu, ukubūka ukufuma ku kipānga ukubūka ku kipānga, nukuyōba. Une

ngwinogona une nālumbilīle ulubunju ulu mpaka une nālumbilīle nimwene ku kwāla-masyu, ku sala yimoyene na sinda. Kangi bula bwāli bumo bupimbapo. Une bwila ndikusōka panja pankyeni pa sala sitatu pamo sina isya ikyene, ku—ku kipanga ku kāya. Une itolo... Une ngaya ndumbilili mma. Popāpo une—une itolo ngutēndēka unjwēgo gwālusekelo kwa Ntwa. Une niganile ukubomba ikyene kanunu fiyo. Une—une ngusakikisya une itolo nkiganile ikyene, polelo une itolo ngumilisya ukubomba ikyene. Une mfumile... nāli nu buna pamo buhano ubukīndane ubuyobelo ukuti une ngubakolela abāndu ukukābila fīyo, popāpo une mmenye ikyo kyo kyābwānalōli. Kangi ikilo iki, nubwanaloli-ndumbula, uswe twisakusōkangāpo apa bo kakāli isala yākwānda pa koloko. Une, une itolo kifuki ukubakasya umwe pa ikyo. Une itolo, kifuki... Luko lwa mbepo iyakwīpilika innunu, kangi kilikyōsa kinunu fiyo, une nsisimikīsyē u Mbepo Mwikēmo isakuya nu lusayo kuli uswe.

<sup>29</sup> Lilino, lilino une ngayaga nasyo imbombelo silisyōsa sya bubumbulusyo mu ngomano. Une... Ikilo kimo, kula kwa nkundwe... Ingamu ya Yeso, ywani āli yo ntīmi? Nkundwe Outlaw. Ikipānga kya Nkundwe Outlaw, kula balipo bingi fiyo kula balondaga ukwiputiligwa. Kangi une nali nu mwanundumiana gwangu ukupa amakadi ga lwiputo gamo. Kangi polelo ikilo ibili, u Mbepo Mwikemo ikugwīla nkati fiyo mu nyumba, mpaka... Umwe mwesa mumenye. Umwe mwāli mu ngomano syāngu. Mwesa ba umwe mubōmbilemo. Umwe mukukēta mūmo ukukētēla-ngāni, na fyosa bo ifyo. Lōli lilino une ngētēsīsyē ikyēne kikulūndikana bīngi ukwīputiligwa. Kangi une nsyāgēnie ukuti i kyākwānda, ukwisila mu kwānda pa Kitatu kangi pa Kina. Une ndinkwinogona une ngugulilaga mpaka pa Ndungu, panongwa yakuti linga ugwe kuya nububombelo bwa bubumbulusyo nkipanga...

<sup>30</sup> Umwe muketile, une—une mfumwisye paliposa une ndinkubuka kuli u mundu aligwesa ukuti itugasyege pa buyo bwa mbombo pa Ndungu, umwe muketile. Ingomano syapasima isi ko kuyatilaga itolo na bakundwe. Kangi uswe—uswe tukulonda aligwesa ukuyunga ubuyo bwinu bwa mbombo, panongwa yakuti untimi gwinu ikugulila kwa umwe, kangi kula ko kūko ugwe ubagile ukuya.

<sup>31</sup> Polelo pala—polelo une ngwinogona, kilabo nkilo, linga u Ntwa ikwitikisya, une ndiku... Ngimba uswe tukuyaga kugu kilabo nkilo? [Unkundwe ikuyoba, “Ukukilania mu Tempe, ku kipānga kya Nkundwe O’Donnell.”—Nsimbi] Nkundwe O’Donnell, ku Tempe, Arizona. Lilino, linga ugwe ukuya na kilikyosa—kilikyōsa ikīndu kyapasima kikukīndilila ku kipānga kyīnu, kangi umwe muli na bāndu ababine, fiki, une ngwiputilaga ababine, kilabo nkilo, itolo ndi nu lukindi lwa lwiputo ulwa bwila, ukwiputila ababine, lumo—lumo Kilembelo,

Pakibili. Unko uswe tukēte, une ne mbagile . . . Une ne . . . O, une ndinakyō . . . Ngimba une ndinakyō ikipanga pa kilo kya Kitatu nine? [“Ena.”] Kitatu nkilo. Polelo ikylene . . .

<sup>32</sup> Kangi ikylene kikwanda pa Kina, ngimba uko kotalusya, u lukomano-lukulumba? [Unkundwe ikuyoba, “Une mu luko lumō ndinafyō i findu . . . ? . . .”—Nsimbi] Umma ndaga, nkundwe. Umwene isakupelaga ubufumusye lilino. [“Muketile, uswe tuli apa ikilo iki. Kangi kilabo nkilo uswe tuli ku Assemblies of God ya Tempe. Kangi polelo i Mountain View mu Sunnyslope pa lya-malongo-mabili-na-matatu. Kangi polelo ku Central Assembly pa lya-malongo-mabili-na-mana.”] Umma ndaga, ikyo kyo kinunu. [“Une ndinkutoligwa ukukumbukila, nimwēne. Une mu luko lumō nāfuluganikēne ni kyēne.”] Komma ukwinogona isya ikyo.

Une nayobaga ilisiku limo, ukufwana, “Ndinkutoligwa ukukumbukila.”

<sup>33</sup> Kangi Nkundwe Jack Moore āyobile kwa une, alinkuti, “Ugwe kwinogona ukuti ugwe uli mbibi?” umwene alinkuti.

<sup>34</sup> Une ndinkuti, “Nkundwe Jack, une ngubuka ukuyoba, une ngabagila ukukumbukila iki une nāyobelāga.”

<sup>35</sup> Umwene alinkuti, “Komma ukwinogona ikyo kyo kinyali.” Alinkuti, “Une ngukōlēla pa foni, ukunkōlela umunduyumo, nguyoba, ‘Ngimba ugwe kulonda fiki?’” Ena, ikyo kyo naloli kibibi fiyo! . . . ? . . . O!

<sup>36</sup> Popāpo, mwe, ikyo kibagile ukupilikigwa ukuya kyāsūnga, iki une ndikwīnogōna kyo kitalusye ukuyoba pa kigemo apa. Lōli a bāna ba Kyala bo itolo basāngalufu, mulimosa, umwe mumenye, polelo uswe—uswe itolo tufwene. Une ninogonaga ukuti ikyo kyāli luko lwa kimogi.

<sup>37</sup> Umwe mwesa, mwe bingi ba umwe, mumenye Nkundwe Jack Moore. Umwēne ikufumila ku Shreveport, Louisiana, Life Tabernacle, u nkūndwe unnunu fiyo. Kangi polelo umwene ambulaga une ikyo. Umwene yo njengesi, yope.

<sup>38</sup> Umwene alinkuti, “Komma ukwinogona ikyo kyo kinyali, Nkundwe Branham.” Alinkuti, “Une nākōlīle u munduyumo ilisiku ilingi, kangi nākōlīle imbalilo yābo.” Kangi alinkuti, “Abene bāmwile, balinkuti, ‘Hallo.’ Une ndinkuti, ‘Ena, ngimba ugwe kulonda fiki?’”

Une ndinkwinogona, “Ena, ikyo kikusuluka kubutali pāsi, Nkundwe Jack.”

<sup>39</sup> Polelo lilino, une ngwinogona ikylene kikuyaga kinunu, kangi abinangu aba aba bikulonda ukwiputiligwa, nukutwala abandu ababine, polelo uswe tukwiputilaga abene.

<sup>40</sup> Lilino, ikilo iki, une ninogonaga pa iki une mbagile ukuyoba ikilo iki pamwanya apa mu kipanga iki ikinini ikiganigwa. Une ndinkwinogona, “Ena, une ngamanya fiki.” Une itolo

ngufimbilisigwa ukwēga ubusimbe ubunini, nukusūbila ukuti u Ntwa isakufulugānia amasyu pabuyo bumo, nu kwitikisya ikyēne ukugwa kūko ikyēne kisakutūla umunduyumo. Ukuya. . . Une ngagelamo siku ukwēga ubusimbe, Une akabalilo kōsa ngugela ukwipilika ukulongosigwa, nukusimba pāsi ikibugutula kya Masimbo, na fyōsa bo ifyo. Kangi—kangi polelo, linga u Ntwa ikulongosya ukukindana, polelo une ngubukaga itolo mumo Umwene ikulongolela. Kangi une ngwinogona iyo yo njila uswe twesa tukufimbilisigwa ukubomba. Bule umwe? Bomba injila yilayila.

<sup>41</sup> Kangi lilino kilipo ikindu kimokyene iki—iki une—une ngulonda, aligwesa gwa kipanga fumusya iki ku mbili guligosa ugwankāya. Kangi ikyo kyo, ukuti linga. . . Akabalilo kāko ugwe kumalīsyā ukwīputīla untimi gwāko na baganigwa bāko, komma ukwībwa une, panongwa yakuti une ngusyagania, ilisiku lililyosa, ukukindapo bwila, ukuti uswe tukwisa ukusuluka ku bumalikisyo bwa nsebwe.

<sup>42</sup> Kangi une itolo nāsyilīle u māma gwāngu, imilungu minandi igi gikīndīle. Kangi nukunkolelela umwene mmaboko gangu mpaka Kyala amwegile umūyi gwake nu moyo gwake u Mwanya. Une nākētēsīsyē u bufwe bwa nkīkūlu umwisusigwa nu Mbepo Mwikemo, nukumbona umwene ikwisa itolo ku bumalikisyo bwa nsebwe. Une ndinkwinogona, “O, une—une itolo ngufimbilisigwa ukuya na mama aligwesa bo yula. Une itolo ngufimbilisigwa ukubomba ikindukimo uku. . . ukubomba iki une mbagile, ukutwala abandu ukuketa iki ikyene naloliloli kikusanusya.”

<sup>43</sup> Kangi, bīnāngu, une nsōngīgwe ukuti ikyēne kibagīle ukuya kisolofupo panini. Kangi une ngwinogona uswe tukukyega ikyene u lumuli uluninipo ukukinda iki naloliloli kili. Une ngwinogona ukuti uswe tukufimbilisigwa ukukumbukila. Linga Kyala yo fīyo mwikemo mpaka a Bandumi bikuboneka ukuya babwapufu mmaso Gake, ngimba uswe tukuboneka bulebule? Muketile? Uko ko kutalusya. Polelo uswe tukulonda kumbukilaga. Kangi kumbukilaga, Kyala itūgēsye pabutali pala mwa Syēpwa, uyu ukutola ukubala isuba syōsa mu lubātiko lwa masuba. “Mwīkemo, mwīkemo, mwīkemo” a Bandumi na mapiko pa fisyo fyabo, kangi pamwanya pa malundi gabo, bikupululuka mu Kuyapo Kwake, bikulila, “Mwīkemo.” Ngimba uswe tubagīle ukuya fiki? Polelo uswe. . . Ikyo kyo iki uswe tukugela ukubomba.

<sup>44</sup> Kangi—kangi une ngwipilika ukuti iki, i Kitangalala kya Kyala, kiliti bo unnyambala uyu egile ulwelo nukubuka ku nyanja, Yeso āyobīle, kangi umwēne alinkutāga mula. Kangi akabalilo kāko umwēne ākwābile, umwēne ālyēgīle uluko lwīngi. Lōli iswi inunu, ena, syākyūngīgwe; kangi isīngi iswi isilyafinyanyasi silinkugomokela ku mīsi, bo si swi-syākwāfūla, kangi—kangi injoka, imbulu, kangi abakayamba, na fyōsa



bo ifyo. Lōli ulwēlo lwa Nongwainunu lukukola bōsa ba ikyēne. Kangi uswe tuli. . . Pisakuyaga ilisiku limo lisakuyaga kabalilo aka uswe twisakutaga ulwelo lwitu ulwabumalikisyo, Nkundwe Adams. Uko ko kutalusya. Ikyēne kikaya ugwe pamo une ukuyoba iyi yo nswi kangi iyi yikaya'mma. Uswe tukamanya. Uswe itolo tukutaga ulwelo nukukwabila ulwene. Ifyo fyo fyosa. Kyala amenye Fyake fyēne. “Bala bābo Umwene āmanyīle-ngānila, Umwene ābakōlīle; kangi bala bābo Umwene ākōlīle, Umwene ābitikisye; kangi bala bābo Umwene ābitikisye, Umwene abimike.” Polelo uswe tukugūlīla, itolo ukukaga ulwelo. Kangi ulwēne lo lusako lwāngu ikilo iki ukwīma mu kipanga kya Nkundwe Edmonds apa ukubatula ukutāga ulwelo pa buyo ubu, ukukēta linga pabagile ukuyapo iswi silisyoša isi Kyala ali nasyo kuli i Kitāngalàla Kyāke.

<sup>45</sup> Lilino, bo uswe tukāli ukubala i Lisyu, unko uswe tuyobe ku Nsimbi gwa Lisyu itolo panandi bo uswe tukwīnamīsyā imitu gyitu.

<sup>46</sup> Ni mitu gyitu ginamisigwe, mbusisya bwa kabalilo aka, ukuti uswe tukusegelēla i Lisyu lya Kyala ilyabumi, ili lyo Kyala, Une nguswīga linga babagile ukuyapo abāndu balibōsa nkati muno aba bali ni fyākusūma pa ndumbula syābo, ukuti abēne babagile ukukūmbukiligwa mu lwīputo ulu. Pelaga ikyēne ukumanyigwa ukwisila mu kiboko ikifyūsigwe.

Ntwa Yeso, keta ku kilundilo, amenye indumbula yiliyosa.  
Ndaga ugwe.

<sup>47</sup> Gwaipyana ukukīnda kangi Kyala mwikemo, Mwenemaka, El Shaddai, uyu ābonekīle kwa Abraham mu Ngamu ya “u Mwenemaka, Kyala-gwa-mabele, u Mpa-maka, u Nswīli gwa bōnywa,” isaga kwa uswe ikilo iki, Tāta. Kangi uswe tukusyāgānia ubōnywa bwītu kangi ingilanio syītu. Uswe tukulata imbibi syitu pankyeni pa Ugwe, nukusibika isyēne pa kigemo Kyako ikyamukuba ikya bulongi, kangi tukusuma ukuti i Lilopa lya Yeso Kristi lisōsyeye ngepo isyene, mu likemo ili uswe tukupela. Tupaga ikylene, O Kyala.

<sup>48</sup> Uswe tukutwāla imyūmi gyītu kangi fyōsa ifi uswe tuli nafyo, kangi lo luki ulwēke lupēgigwe uswe. Ntwa, bōmbēla ulwēne ku lwīmiko lwa Kyala.

<sup>49</sup> Sayaga ikipanga iki, untimi gwake unganigwa, abadiakoni, abakyūngakyūma, ni kibugutila kyōsa, nu mwenekaya aligwēsa uyu ikwīsa nkīpānga iki kyākukōleligwa “Bulilani.” Kyala, une ngusuma ukuti abanyambala na bakikulu, bo abene bikwenda mu kifigo kila kya buyo ubu, ukuti abēne bisakugwīla mu butobesigwe panongwa ya lubātiko uluganigwa lwa Mbepo Mwīkēno nkati nkiyūmba. Paga ikyēne, Ntwa.

<sup>50</sup> Swāga imbibi syītu, kangi ingilanio syītu, uswe tukusuma kangi. Kumbukilāga bala aba bafyūsīsyē amaboko gābo. Pasi pa kiboko kila, Ntwa, kwaali i ndūmbūla yikusuma ikindukimo

ukufuma kwa Ugwe, kangi lumo itolo Ugwe gwimwene ubagile ukupa ikyene. Une ngusuma ukuti Ugwe kupaga ikyene, Tāta. Kilikyōsa abēne bali nu lufūmbwo nakyo, paga ikyēne ku bēne mbwīngi. Balipo balibōsa babine, Ntwa, babūmbulusya abēne. Linga balipo balibōsa aba bikugwīla ndubafu, kasyaga yumo yula, līla ilifūndo ilyōnywa. “Ulutete ulukuyubuligwe, Umwēne atīsakukonyola, pamo ikikoka iki kikufūka Umwēne atisakusimisyā.” Kangi uswe tumenye ukuti Umwēne āngali atisakutukaga uswe ukuya lutete ulufyōnyoke; Umwēne āngali ukupolesya ulwēne. Kangi une ngusuma, Tāta Gwakumwanya, linga sikuyapo imbepo silisyosa isi sibongotoligwe, pamo—pamo sisulimanisīgwe, pamo maboko amōnywa galūlalile pāsi, kangi ififūndo fikāmāndīgwe, isyēne silifyūsīgwağa mmwanya ikilo iki, Ntwa. U Mbepo Mwikemo alīsaga nukubumbulusya isyītu indumbula ni mbepo, kangi ubundu bwītu bwakupalamasīgwa, kangi uswe twisakumpāga Umwēne ulutufyo lōsa panongwa ya ikyēne. Uswe tukusuma ikyēne nu Ngamu ya Yeso. Ameni.

<sup>51</sup> Linga ugwe kulonda ukusanuka ku Lisimbo, kuli ubuyobelo bwa kifuki maminiti malongo-matatu, Une ngulonda kuli umwe ukubala na une ukufuma mwa būku gwa Busetuli, untu gwa 19. Kangi une ngulonda ukubala ku linandi lya 7, ukongelela gosa.

*Kangi ukufuma pa findu ifi une ndinkupilika amasyu amakulumba aga bandu bīngi ku mwanya, bikuyoba, Aleluya; Ubupoki, . . . lwimiko, nu luyīndiko, na maka, kwa Ntwa Kyala gwītu:*

*Kabuno bwanaloli kangi bugolofu bo bulongi bwāke: kabuno umwene alongile u ndongwe unkulumba, uyu naloli ānyasyaga i kīsu nu buhuni bwāke, kangi abombile agomokisye pa lilopa lya bābombi bāke pa kiboko kyānkikulu.*

*Kangi kāngi abēne balinkuyoba, Aleluya. Kangi ilyōsi lyāke lilinkufyūka mmwanya kwa bwīla na bwīla;*

*Kangi a bakulumba bana na malongo mabili balinkugwa paasi nukwīputa Kyala uyu aalitūgēsye pa kikota, bikuyoba, Ameni; Aleluya.*

*Kangi ilisyu lilinkwisa ukufuma ku kikota, lilinkuti, Ntufye Kyala gwitu, mwesa umwe babombi bake, kangi umwe mwe mukuntila umwene, bosa-babili banini kangi bakulumba.*

*Kangi une ndinkupilika agēne gāliti gālī masyu ga kilūndilo ikikulumba, kangi galīti masyu ga mīsu mīngi, kangi bo ga masyu ga filūnduma fyāmaka, gikuyoba, Aleluya: kabuno u Ntwa Kyala gwamakagosa ikulagila.*

*Unko uswe tuyege bahobofu nukusangaluka, kangi tupe ulugiindiko ku mweene: kabuno u bwēgi bwa kang’ōsi bwisile, kangi unkasi gwake itendekesya mwene ukwītēndike.*

52 Ngulōnda ukuyoba ikilo iki pa kimanyisyo kya: *U Bwēgi Bwa Kang'ōsi*, itolo pa tubalilo tunini uku. . . Uswe twīsibile fiyo ni Lisimbo ili. Kisita kwilamwa loli untimi gwīnu apa asegelile ikimanyisyo iki kingi.

53 Kangi, ukuti, uswe tumenye ukuti kukuyangapo u Nsingiligwa, kangi kwisakuyāngako u lusekelo lwa bwēgi bukupīgwa mmyānya. Ikyo kyo itolo kyākusisimikisigwa ukuya, bo Kyala ali, panongwa yakuti ilyēne lyo Lisyu Lyāke. Kangi uswe tumenye ukuti bala bābo bikuyaga pakutēndēka u Nsingiligwa yula bisakuyaga Kipanga Kyāke, kangi abēne bikuyaga pakubonekela pankyēni pa Mwēne kisitaka linonia pamo lukinya. Kangi abene bali ni findu pa kisu lilino ukwipela bene ukuya bitendekisye. Linga umwe mukukētēsya, Ilyēne lyāyobīle, “Umwēne itēndīke mwēne ukuya mwītēndekesye.”

54 Bingi fiyo bikuyoba, “Linga u Ntwa ikwegaga imbepo inyali iyi ukufuma kwa une, ukufuma kukunwa, pamo ukufuma ku njuga, pamo ukufuma kukusyōba, pamo ukuhiya, une nisakumbombela Umwēne.”

55 Loli ikyo kyo kili kwa umwe. Muketile, ugwe kufimbilisigwa ukubomba ikindukimo, nugwe. “Abene aba bisakupōnjōlāga bisakwingilapo pa findu fyosa.” Abēne bābo bisakupōnjōla. Ugwe uli na maka ukubōmba ikyēne, lōli ugwe kufimbilisigwa ukuti uyege gwakwigana ukulāmbalika ikyēne pāsi. Muketile? “Umwene ipelile Mwene ntendekesye.” Une ndiganile i Lisyu lila.

56 Umwe muketile, Kyala akābagile ukutuguta uswe ukwīsila mu kapīpa akanini, ukutukwāba uswe panja ku bumalikisyo ubūngi, kangi polelo ikuyoba, “Asayigwege u mwene uyu ikuponjola.” Ugwe ukaya nakyo nakimo ikyakuponjola; Umwene itolo aakugutile ugwe ukukindilila. Lōli ugwe kufimbilisigwa ukutēndeka inyīnogono kuli gwīmwenē. Une ngufimbilisigwa ukutēndeka inyīnogōno kuli nīmwenē. Mu kubomba ikyo, uswe tukunāngīsya u lwitīko lwītu nu lugīndīko kwa Kyala.

57 Abraham āfingiligwe u mwāna, lōli umwene abagile ukubanilila u lufingo ulu ku fyinja malongo-mabili-na-fihano, i fyammwanya-na-fyakusuluka ifi umwene aali nafyo, kangi ingelo, mu fyinja malongo-mabili-na-fihano. Loli umwene alinkwikolela ku lisyu lya lufingo.

58 Kangi Israeli aafingiligwe ikisu ikifingigwe, loli abene bafimbilisigwaga ukulwa ku inchi yiliyosa ya ikyene. “Paliposa apa u luyayo kya kilundi kyako lukukanya, kila Une ngupēle ugwe,” Kyala ayobile kwa Yoshua. Ikyēne kyāli kyōsa pala. I kīsu kyālīko kula, kangi Kyala ākipēle ikyēne ku bēne, lōli abēne bikufimbilisigwa ukukilwīla ikyēne.

59 Injila yilayila ikyene kyo kufwana nu bubumbulusyo Bwakyala. Kyala ali na maka ukukubumbulusya ugwe, linga

ugwe uli nu bukifu ukwitikisya ikyene, loli ugwe kulwilaga inchi yiliyosa ya njila.

<sup>60</sup> Kyala ali ni lipyana iliswigisye ukukupoka ugwe, kang'i Umwene ikubombaga ikyene, loli ugwe kulwilaga inchi yiliyosa ya njila yako.

<sup>61</sup> Une mfumile pakuya kunyuma kwa kigemo, ngukindilila pa fyinja malongo-matatu-na-kimokyene, kang'i inchi yiliyosa ya kila yāli kulwana, kingikingi. Ikyene naloliloli kyāli.

<sup>62</sup> “Loli uswe tukufimbilisigwa ukulwa linga uswe tukufimbilisigwa ukulagila.” Polelo uswe tukusyagania ukuti u Nsīngilīgwa ikutēdeka ukwitendekesya Mwene. “Yaga gwākwigana ukulāmbalika pa lubafu ubusito bulibōsa ubu bo nubupepe fiyo bukutupēfya uswe, ukuti uswe tubagile ukubopa nu bufindang’oma u lubope ulu lubikīgwe pankyēni pa uswe.” Uswe tukufimbilisigwa ukulāmbalika ifyēne pa lubafu, twībēne. Uswe tukabagila ukuyoba, “Kyala, Ugwe isaga, fibikaga ifyēne palubafu kuli uswe.” Uswe tukufimbilisigwa ukubomba ikyo, twībēne.

<sup>63</sup> Lilino, une nīganīle ukwinogona isya nyēgi. Une nāli nu lusako ulwa kwēgesya abandu bingī-panini. Kang'i une ngwinogona, akabalilo kako une nguntwala undumiana unkeke nu nkikulu untubwa ukusulukila ku kigemo, nukubabona abene bikwisa ukukinda nkipanga; kang'i umwēne, mmogi ni myēnda gya bwēgi afwēle, kang'i ikikīngo pa kisyo kyāke kang'i kikusalolokela pāsi; kang'i u nnyāmbala, agolwīke, afwēle mmogi; kang'i nkeke kang'i iswile na maka, bo abēne bikwenda pāsi pala mu bwābo ubukīnde ubwa būmi, nukwēga u lufingo lwa bwēgi, une ngwīnogōna kilipo ikindukimo ikinyāfu ikyākufwāna ni kyēne. Kilipo ikindukimo kisisya, panongwa yakuti ikyēne kikungūmbusya une ukuti kula kwisakuyako ubwēgi ubūngi ubukulumba i lisiku limo, akabalilo kako u Nsīngilīgwa gwa Kristi isakwendaga pāsi isulukilo sya Lwimiko.

<sup>64</sup> U Nnyambala isakuyaga nakyo kilikyosa kitendekisye. Kwisakuyangako u bwēgi nu lusekelo. Mūmo uswe twīganile ukwīnogōna isya kwitūgāsya ukukilania imēsa ukufuma kwa yumo nu nnīne, nu kupa nīa ifiboko fya yumo nu nnīne, kang'i amasosi gikusuluka pasi pa masaya gitu. Kang'i inogona, Umwene isakwisa ukusyungutila, ikusyula amasosi gosa ukufuma mmaso gitu, ikuti, “Komma ukukūta. Ikyēne kyo kyōsa kimalike lilino. Ingila mu sanguluko sya Ntwa isi sitendekesigwe kuli umwe ukufuma ku lwālo lwa kīsu.” O, nkūndwe, ikyo kisakutēndēka uswe ukugana yumo nu nnīne fiyopo.

<sup>65</sup> Une ngwinogona ikyo kyo iki kitamisye ni Kipanga, u Nsingiligwa umwisyugu, uyu yo atendekigwe ukufuma ku fipanga fyosa ifi fikwītika mwa Kristi. Ikyēne kikaya kiyūmba kya kipānga, nakang'i ikyēni kyo kipāngānio pamo kipānga-

kipāgũke, lōli icyēne kyo bāndu-pabene aba bali nkipānga aba bikupela u Nsīngiligwa.

<sup>66</sup> Une ndinayo u mwīnāngu unnunu mu Louisville, Kentucky, Dok. Wallace Cauble, uyu āli ndumbilili gwa Kipānga kya Kristi, kangi ukwisa muno nukwambilila u Mbepo Mwikemo, kangi ukutima kimo mwa fikulumbapo, fipānga fikulumba-ukukīnda mu Louisville, ikipānga kya Kifigo Kyīgũkano. Umwene āli mwinangu umpala fiyo kwa une. Kangi amasiku manandi aga gakindilepo, une nalimile pa lukindi, kangi une numbwene umwene ukusuluka ndukindi. Kangi une akabalilo kōsa nālinganile umwēne, kangi umwēne ālinganīle une.

<sup>67</sup> Lōli ilisiku limo umwēne āli nu bupānje bwa ndugutu, kangi umwēne asōkāga ililopa ku bufwe. Kangi abene bāli nagwe umwene pāsi pala ku Kipatala kya Mwikemo Yosefu, kangi abene balinkuti umwene āfwāga. Kangi Nka. McSpadden ālingōlile une, alinkuti, “Dok. Wallace Cauble.” Une ngālimmenye umwēne tāsi, lōli une nāmēnye kyāliko ikipānga ikinywāmu ikya Kifigo Kyīgũkano. Alinkuti, “Umwēne ikufwa. Abagānga bampēle umwēne i sindāno, kilikyōsa ikīngi. Abēne bābīkile isono nkati. Umwēne ikūmilisya ukusok'ilopa, kangi abēne bakabagila ukwīmika i lilopa. I lilopa lyāke litisakūma, kangi umwe mumenye, ukwīmika ukusok'ilopa.” Kangi alinkuti, “Abene bali nabo abamishoni nkati mula, kangi abene bikulonda ugwe ukwisa, ukummwiputila umwene.”

<sup>68</sup> Mulimōsa, une natalile nāpilikemo isya Dok. Wallace Cauble, kangi popāpo une mu luko lwakuti une nāli panini gwakwīlāmwa, lōli une ndinkubūka kula. Kangi akabalilo kako une ndinkukēta nkyūmba kya kipatala, bālipo abatumigwa na balumbilili abakulumba, bosa nkati mula, bikukūta nu kwīpūta. Kangi une ndinkwinogona, “O, mwe! Unnini fiyo une, unnīni mbunguluka-mwikemo, mbuke nkati mula? Une kinunupo nsyāle itolo panja apa.” Popāpo une ndinkufika pāsi kunyuma ku likina lya Coke panja kiyūmba. Une ndikwīpūta kwa Kyala, uku—ukwīmika i lilopa, kuli Nkundwe Cauble. Une ndinkubūka ukugomokela ukusuluka kangi ndinkubūka pānja.

<sup>69</sup> Une itolo nāfikile ku kāya, kifuki maminiti kalongo-na-mahano, kangi i foni yikūbīle kangi, kangi bikulōnda ukumanya kyo fiki kyāli kyakukābisya kyāngu, ukuti une nākāli ngafika kula. Kangi une ndinkuti, “Une—une nisile. Loli balipo bingi nkati mula. Une—une itolo ndinkwipilika ukusita kulongosigwa ukwisa nkati, lumo, muketile, bingi fiyo, abalumbilili abanywamu mula.”

<sup>70</sup> Polelo umwene alinkuti, “Isaga papapa lilino.” Alinkuti, “U nnyāmbāla uyu akabagila ukuya mūmi lōli akabalilo katalipo panīni.”

<sup>71</sup> Polelo une ndinkugomokela kula, kangi. Kangi akabalilo kākō une nālingīle nkati mula, umwēne āgelāga ukwēga

ulilumbu gwa Kikatolika ukwitikisya Kristi ukuya Mpoki gwa pamwene; kang'i umwene ikusulula ililopa, kang'i ililopa likupululuka ukufuma nkanwa kâke. Une ndinkwingila nkati.

Kang'i umwene alinkuti, "Mubombile ndaga?"

<sup>72</sup> Kang'i une ndinkuti, "Mubombile ndaga?" Umwene âlitûgésye nkyumba kila, nukukosomola ngati ulo, kang'i ililopa likusôka pânja.

Kang'i umwene alinkuti, "Ngimba ingamu yako yo fiki?"

Kang'i une ndinkuti, "Une ne Nkundwe Branham."

<sup>73</sup> Kang'i umwene alinkwanda ukulila, ukubika amaboko gake ukusyungutila une. Une ndinkufugama pasi pala.

<sup>74</sup> Lilino, ikyène yo Dok. Wallace Cauble, ugwa kipānga kya Kifigo Kyígûke mu Louisville. Mpapo umwène u kalata. "Ililopa lyâlîmile a kabalilo kala." Ilyène likasôkamo siku, ukufuma pala. Muketile? Kang'i uswe tuli fiyo, fiyo bakündwe ukufuma pala. Kang'i i lisiku limo, une nâlyagene nagwe. Kang'i umwene alinkuti . . .

<sup>75</sup> Oswald J. Smith, mwe bingi ba umwe mumenye Nkundwe Smith. Umwène yo ntumigwa unkulumba, kang'i umwène ikwîsa kwa buyo bwa Nkundwe Cauble, panongwa yakuti umwène ânganile umwène kanunu fiyo. Umwene alinkuti, "Nkundwe Cauble, umwe mumenye," umwene alinkuti, "Une . . ." Ikindukimo ikya nkasi gwake. Umwene alinkuti, "Akabalilo kako une akâkwânda nâli mwêgi," alinkuti, "Une ndinkwipilika ukuya, ena, linga une ngusoba, une ngubombaga, o, une mbagile ukwega uyungi," panongwa yakuti umwene âli nnini. "Loli," alinkuti, "ukufuma pâpo abana bikwisa pala," alinkuti, "polelo ikyene kyo luko kikafu ukubomba kisita umwene. Polelo ko kabalilo kâko ugwe kufika pa fyinja malongo mahano mbukusi, ugwe itolo ukabagîla ukubomba kisita umwene. Kang'i bo ugwe kuyaga nkusi, fiki, ugwe—ugwe kwipilika injila iyo."

Une ndinkuti, "Une ngusakikisya ikyo kyo kufwana kitalusye." Une nâli . . .

<sup>76</sup> Iki untu gwâlîsilepo isyakufwâna, umwe mumenye mûmo abakîkûlu babagîle ukûlîla, kang'i u nkasi gwāngu âli nkati mula. Kang'i umwene yo mwehe gwa fyosa fya ikyene. Umwene itolo ikusyâla akabalilo kosa. Amalûndi gangu amapelakisa itolo kifuki gikungoga une, pa lukîndi ukwênda ukusyungutila nu mwène. Kang'i umwene ambulaga une, alinkuti, "Ena, ugwe itolo ukabagîla ukubomba kisita umwene." Kang'i ikyo kyo mûmo ubuyobelo bwâlîsilepo.

<sup>77</sup> Akabalilo kâko une nâbûkîle ku kâya, une nâfikile nitûgésye nkyumba mula, ngwinogona, "Uko ko kotalusya." Une ndinkukibômbêla ikyène ku kindukimo ikîngi.

<sup>78</sup> Umwe mumenye, akabalilo kako une napindwike kakwanda mu... ukuya ndumbilili gwa Misyonale Baptisti, une ndinkwinogona, “Linga u mūndu akāli gwa kiBaptisti mma, umwēne itolo ākāpokígwe mma. Ikyo kyo kyōsa kyāli ku kyēne.” Kangi une nāpimbāga i Bāngéli pāsi pa lukōngi lwāngu, kangi une ndinkwinogōna u Ntwa ālingōlile une ukutēndēka aligwesa gwa kiBaptisti. “Kangi aligwēsa akītīkāga itolo bo baBaptisti bītīkāga, abēne bākāli nkifwāni napanandi.”

<sup>79</sup> Bo amasiku gākīndāga nkyēni, une ndinkwīnogōna une nāli ni mbombo yōsa ukubōmba, nīmwenē. Kangi une ngwisa ukusyagania, une nāketesīsyē u nkundwe uyungi uyu āli ni kipanga, u ntimi. Umwene ākwābāga yōpe, itolo nu bukafu mumo une nābombile. Muli fyōsa, i bulangeti likulūsania panīni panandi kubwa kwa umwēne yōpe, umwe mumenye.

<sup>80</sup> Polelo uswe tukusyagania, uswe tukufūmbwana yumo ku nnine. Kangi lilino, ukufuma pāpo uswe tukwānda ukufika mpaka apa, ikyēne kyo itolo kikafu ukubōmba kisita yumo nu nnīne. Ikyo kyo kyōsa. Uswe itolo tukufimbilisigwa ukuya yumo nu nnine, ikyo. Kangi une ngwitika ukuti ikyo kyo mu bugūte bwa kipentekosti ubukulumba ubu. Une nsāngalwike ukukēta imbaso sila isya kusitakupāsyā sikubongotokela pāsi, i Kipānga kya Kyalā ikikulumba kikwānda ukumatana kyēne palikimo mu bulīlanisi. Kikusanusya ukuti ubwēgi bukwisa kifukipo lilino. Kangi amabwe, go maswigisye gatumuligwa mumo agene gabagile ukuya, agene gali nu buyo bumu mu nyumba iyi, linga agēne go mabwe ga Ntwa.

<sup>81</sup> Lilino, bwēgi, mu līnogoneli limo, kyo kyākwegelēla. Ubwēgi bwa pakīsu apa bo kyākwegelēla kya bwēgi bwa kumwanya. Lilino unko uswe tubūke ukwāndisyamo pa kyēne, itolo pa tubalilo tunini, ukwandisya ikyēne pa kabalilo.

<sup>82</sup> Ikindu kyākwānda kilipo, pabagīle ukuyapo ilinogono litēndekīgwe. Ikīndu kyākwānda, kikwēga, mu bwēgi bwakipeligwa, lyo i līnogono likufimbilisigwa ukutēndekīgwa. U nkīkūlu untubwa ikufimbilisigwa ukutēndēka ilīnogōno lyāke, kali umwēne ikulōnda u nnyāmbala untubwa uyu; kangī unnyāmbala untubwa, kali umwene ikulonda unlikulu untubwa. Pikufimbilisigwa ukuyapo ilīnogōno litēndekīgwe, kangī ugwe kufimbilisigwa ukutēndēka ilyēne. Umwēne abagīle ukuya nkīkūlu mwēne nkīsu uyu ugwe unganile, kangī umwēne ikufimbilisigwa ukuya nnyāmbāla mwēne. Linga ikyēne kikaya, polelo ugwe gwātēndike aminogono amasobi.

<sup>83</sup> Kangi iyo yo njila yiyo ikyēne kiyīlile ukwisila ukutēndēka ulusalō lwa Kristi. Ikindu kyākwānda ugwe kufimbilisigwa ukubōmba, ko kutēndēka ilinogono lyāko kali ugwe kwisakumbōmbēla Kyalā nukwēga Umwēne ukuya Mpoki gwāko, pamo ugwe utisakubōmba ikyēne. Ngimba ugwe kubombelaga ikisu kyapasi? Ngimba ugwe kumbombelaga

Kristi? Ugwe kufimbilisigwa ukutëndeka i līnogòno lyāko. Pabagile ukuyapo i līnogòno litēndekigwe. Akabalilo kākò ugwe kutēndeka i līnogòno lyāko, ukuti ugwe kali kuyaga pakumbombela Kyala pamo ihela, polelo ugwe kwegwa ulusalo lwako. Loli ulusalo lukufimbilisigwa ukutendekigwa.

<sup>84</sup> Kangi polēlo, ukufūma pāpo u lusalo lutēndekigwe, ukuti ugwe guli, polelo kukwisa ulwītikisano. Ikyo, ugwe kukyāga ikyo ku kigemo. Ugwe kufimbilisigwa ukutendeka u lwītikisano bo ubumobwēne ubu bubagile ukuya. Kangi iyo yo njila ikylene kiyilile ni Kipanga kya Kristi. Ikyēne kifumile pakuya lwītikisano na Kristi, u—u lufingilano, u lwītikisano, u bwīnake bwa lugano.

<sup>85</sup> Kangi polelo, ikindu ikikōnge, kyo—yo fingo sitēndekigwe. Pabagile ukuyapo i fīndo sitēndekigwe kwa yumo nu nnine, ngati ukuti ugwe kutēndeka u lufingo. “Ndumbulanyafu, linga ugwe kunyegaga une, une ngufinga ukuti une nguyaga nsubiligwa kangi gwabwanaloli. Une nguketaga mma ku nkikulu uyungi.” Pamo, “Une nisakukēta pa nnyāmbāla uyūngi mma. Kangi une nisakubōmba kyōsa ikyo ukuya mbombo, ukuya nkasi. Uswe tuli na bāna, ikyēne kisakubōmba fyōsa ukuya mbombo ukuya u—ukuya māma. Une—une nisakuya nkyūngakāya.” Ifingo syōsa isi sikufimbilisigwa ukupeligwa, pamo sibagile ukuya, mu bwēgi ubutalusye.

<sup>86</sup> Kangi ikyo kyo kindu kilakila akabalilo kako ugwe kwisa kwa Kristi. “Ntwa, linga Ugwe kunyambililaga une nkitangalala Kyako, une ngufinga.” Mwaketa lelo umwe. “Une nisa kukugana Ugwe. Une nguyaga gwabwanaloli kwa Ugwe. Une ngukubombelaga Ugwe, pamusi na pakilo.” Ikyene kinyali fiyo uswe tukwibwa ikyo. “Une ngukubōmbelāga Ugwe, pamusi na pakilo. Une ngupikag’ifindu. Une ngwīpūtāga. Une nisakuya nsūbiligwa kwa Ugwe. Une nisakutwāla ifyakalongo fyāngu mu ndāmba. Une—une nīsa—une nisa kwīpūta, kīngi pa lisiku. Une ngwisa—une ngubombaga kalikosa. Kangi une ngufinga lōsa u lugano lwangu kwa Ugwe.” Ikyo kyo iki ugwe kufimbilisigwa ukubomba. Uko ko katikati kotalusya, kūko ugwe kufinga ikyo, kangi ikylene kibagile ukufuma mu ndumbula yāko.

<sup>87</sup> Linga ugwe kufinga undumego ikyo, kangi komma ukufuma ku ndumbula yako, ugwe kusanusya ikylene, ugwe gwe naloliloli utikuya nu bumi ubutalusyi nu mwene. Ikyēne kyo luko lwa bwīnake ubwātigwe.

<sup>88</sup> Keta kuno. Linga—linga ugwe kuya na mino, kangi ugwe kubōmbēla amino amasyōbi, lilino, ikyo kyo kili kanunu mōsa. Ikyēne kyo kupyānikisyapo a mīno aga ugwe akabalilo-kamo gwālinago. Lōli, nalōli, amīno gala gakaya gīlūngisēnie na ugwe. Ilyēne likaya kiyabo kya ugwe. Linga ugwe gwāli nu—nu lukōngi lutumuligwe, kangi ugwe kufwāla ulukōngi ulwabusyōbi, mulimōsa, u lukōngi lula lo naloliloli lukalūngisigwa na ugwe.



Ulwēne lo itolo lumyātikigwe pa ugwe. Muketile? Ulwēne lukaya lulūngisigwe na ugwe mma.

<sup>89</sup> Kangi akabalilo kako uswe tukwega ulufingo lwitu kwa Kristi, linga uswe tutikwisa ukuya kiyabo kya Umwene, ngati u nkikūlu ābagile ukuya kiyabo kya nnyāmbāla kangi u nnyāmbāla ikiyabo kya nkikūlu, polelo uswe twe Bakristi bakwāta. Uswe tukaya, naloliloli. Ugwe naloliloli ukēgigwa ku nkikulu yula. Ugwe ubagile ukuya nsūbiligwa. Linga ugwe utikungana undumego, kangi umwēne malongo-ntāndatu pamo malongo-ntāndatu-na-limo, kangi ugwe ukangana umwene ukuya nnunu mumo ugwe gwābombelāga ku bwandilo, polelo ugwe naloliloli itolo kuswīla abāna bake.

<sup>90</sup> Iyo yo njila ifipanga fiyīlile, fingi fiyo umwisyugu. Uswe itolo tukwēga i ngamu ya “Kipanga Kyakristi,” ukwisyobekesya ukuya Nsingiligwa. Akabalilo kāko, ikyene kyo kyākwātigwa. Uswe tukaya balūngisigwe na Kristi mu njila yiliyōsa. Uswe tuli ngati lino ilyākwāta, ulukōngi lwākwāta, ikisige kyākwāta. Muketile? Ikyēne kyo kindukimo ikyo kyo kyākwāta linga uswe itolo tukufwāla ikyēne pamwanya. Mulimōsa, ugwe ukabagile ukufwāla i Kikristi. Ugwe kufimbilisigwa ukulūngisanisigwa ni kyēne.

<sup>91</sup> Kangi polelo i kipanga iki kyo itolo kyakwāta, kikukōleligwa kipanga kya Kristi, ena, a bāna bala polelo bakaya nkati Mula, aba bapāpigwe ukufuma ku kipāngānio kilakila. Kyo itolo. . . Abēne bakaya bāna ba Kristi. Abēne bo bāna bafipanga-fipāgūke, kangi komma bāna ba Kristi.

<sup>92</sup> Linga u nkikūlu akalūngisigwa nu nnyāmbāla mu bwānalōli, polelo umwēne akaya ndume gwāko. Ikyēne yo itolo nnyāmbāla umwēne abōmbile u lufīngo ukwītūgāla nagwe, kangi umwēne abōmbile u lufīngo ulusobi. Umwene afigile kwa umwene, kangi umwene alinkuyoba umwene alinganile umwene, kangi umwene akaabombile ikyene mma. Akabalilo kosa, unnyambala uyu asyōbīgwe.

<sup>93</sup> Lōli kilipo ikindu kimokyēne ikisisimikisye, binangu, uswe tutikubūkāga ukusyōba Kristi. Umwēne amēnye Abāke bēne.

<sup>94</sup> Lōli, umwe mukētīle, ikyākwānda, isalo sitēdekigwe. Ikyakukōnga, inyītikisānio. Polelo, lufīngo.

<sup>95</sup> Kangi, polelo, ulusekelo. Kangi ako ko kabalilo kako u nsingiligwa—u nsingiligwa ikwega i ngamu ya nnyambala. Umwene akaya kangi gwa ngamu yake mwene. Umwene ikwega ingamu ya nnyambala.

<sup>96</sup> Kangi polelo akabalilo kako i Kipanga kili nu lusekelo, bikutendeka ifingo syābo, polelo Umwene ikwega i Ngamu ya Nnyambala. Polelo Umwene akaya kangi mma kipanga kya nkisu. Umwene yo Kipanga kya Ntwa Yeso Kristi. Ameni. Komma. . . Une ndikusanusya, ikyo, ni ngamu. Une ngusanusya, ikyo, ukwisila mu Kupāpigwa, ukwisila mu kipeligwa, na maka

ga Kyala. Nu Bwanaloli ubusetuligwa bwa Kyala, mu ndumbula, Umwene ikuya Kipanga Kyakikristi, i kikulumba icyākisu-kyōsa icyabatumigwa i Kipānga kya Kikristi. Umwēne ikuya kiyabo kya Kristi. Akabalilo kako Umwene ikubomba ikyo, Umwene. . . Kristi ikwingisya mwa Mwene u Mbepo Gwake Mwene, u Bumi Bwake bwene. Kangi i Bāngéli lyāyobīle, kwa Adam na Eva, pala, “Umwe mukaya kangi mma babili, lōli yumo.” Kangi akabalilo kako unkikulu, Kipanga, kyegiigwe kwa Kristi, abene bakaya babili kangi babili mma. Abene bo Yumoywene. Kristi mwa ugwe! Amen. Ikyo kyo kyene. Ubumi Bwake butwaligwe mwa ugwe, polelo ugwe kuyaga Nsingiligwa.

<sup>97</sup> Polelo, ikīndu ikīngi, ukufuma pāpo umwēne atēndeike syōsa ifingo, na fyōsa bo ifyo, kangi u lusekelo luyobigwe:

<sup>98</sup> Ngati, ingamu ya nkasi gwangu yaali Broy bo umwene akāli ukwegigwa. Lilino, umwene akaya kangi mma Broy. Umwene yo Branham. Lilino, umwene akaya gwa Broy’mma. Umwene yo Branham.

<sup>99</sup> Kangi akabalilo kako ugwe kwisa mwa Kristi, ugwe ukaya kangi mma gwa kisu kyapasi. Ugwe uli gwa Kristi. Muketile? Ugwe utikupasya polelo ku findu fya nkisu. Ifyene fifwile kwa ugwe. “Kabuno umwene uyu akiganile ikisu, pamo ifindu ifya nkisu, ulugano lwa Kyala lukaya mwa umwene.”

<sup>100</sup> Popāpo, umwe mukukēta, ugwe ukabagila ukuya Nkristi gwākwaṭa. Ugwe ubagile ukuya gwākwaṭa, Nkristi gwakwīyōbela.

<sup>101</sup> Loli ugwe ukabagila ukuya Nkristi, ukuya, mpaka Kristi ikwiyingisyamo Mwene, ukwisila mu losyo lwa Mbepo Mwikemo, mwa ugwe. Polelo ugwe ulūnganisigwe nu Mwēne. Umwe mukaya kangi mma babili. Umwe mwe Yumo. Kristi aafingile ukuya mwa uswe, bo u Tata aali mwa Kristi. “Une na Tata Gwangu tuli Yumo. Umwe na Une tuli Yumo.” Muketile? Kristi mwa uswe! Fyosa ifi Kyala āli, Umwene ālyonile mwa Kristi. Kangi fyōsa ifi Kristi āli, Umwēne ālyonile mu Kipanga, ukukīndilīsyā imbombo ya Nongwainunu.

<sup>102</sup> Polelo uswe tukwīsa ukuya, komma ukwīsila mu ngamu yakwāta, lōli ukwisila mu bwanalōli bwa Mbepo Mwīkēmo gwa Būmi ikulūngisania uswe mwa Kristi. Polelo, ukwisila mmaka ga busyuke Bwake, uswe tufyusigwe ukufuma ku findu ififwano ifya kisu, kangi twitugesye nu Mwene mmabuyo Gakumwanya. Amen. Une nkiganile ikyo. Ikilo iki, uswe twitugesye mu mabuyo Gakumwanya mwa Kristi Yeso, muketile, tusyukile nu Mwene; tufwile ku findu fya nkisu, nu kwegga ukufwala Kristi. Kangi akabalilo kako uswe tukwegapo pa Kristi, polelo ikisu kifwile, polelo uswe tutikupasya kangi’mma kuli ikisu kya pasi. Ikisu kifwile kwa uswe. Kangi uswe tuli. . . Kangi ikylene kifwile kwa uswe, kangi uswe tufwile ku kyene.

103 Ugwe uli mundu unkindane, u bundu ubukindane, panongwa yakuti ugwe uli kipeligwa ikipya. Ikipeligwa! Komma ikipeligwa kilakila, ikipuputigwa mosa; komma u— u nnyāmbāla uyu asanusigwe lyāni ilipya. Lōli u mūndu uyu āfwīle, kangī apāpīgwe kabubili, kangī ukuya kipeligwe ikipya mwa Kristi Yeso, kangī u Mbepo gwa Kyala gwabumi ikwītūgala mu mundu yula.

104 Lilino, itolo bo yu nkikulu uyu akaya kangī mma Broy, umwene yo Branham, kangī umwene ikubuka mu ngamu yila.

105 Kangī i Kipanga kikaya kangī mma kya kīsu, lōli ikyene kili mu Ngamu ya Kristi, Umwene ali. Umwēne ikulūnganisigwe nu Mwēne, ukwisila mu Būmi Bwāke Mwēne.

106 Ngimba umwe mubalilemo siku mu Lisimbo, mūmo fikuti u nnyāmbāla gwākwānda, Kyala apelile, āli u—u mūndu gwapabili? Adamu āli fyosa-fibili Adamu na Eva, ukuyobela mwambepo, loli akabalilo kako Umwene āpelile u nnyambala gwakwanda mu kifwani Kyake kyene. “Kangī Kyala yo Mbepo.” Loli, akabalilo kako Umwene ābabikile abene mu mbili, Umwene alinkubapāgūlania abene. Umwēne ālyēgīle imbepo yakinyāmbāla, alinkuyibīka iyēne nkati mu nyāmbāla, kangī alinkwēga i mbepo yakikīkūlu nu kubīka iyēne nkati mu nkīkūlu.

107 Lilino, akabalilo kako umwe mukuketa unkikulu ikulonda ukubomba bo nnyambala, kilipo kimo kitamisye. Akabalilo kako ugwe kukēta u nnyambala ikulonda ukubombela bo nkikulu, kilipo kimo kitamisye. Polelo ikyene kikuboneka ngati ikisu kyosa kisobi, umwisyugu. Abanyambala bikugela ukubombela bo bakikulu; abakikulu bo banyambala. Uko ko kutalusya. Ikyene kyo kyabwanaloli.

108 Lilino kēta. Ikyēne kyo kipelelesye fiyo, ukuti akabalilo kāko Kyala ālyēgīle nukutēndēka u nnyāmbāla, nukunāngīsya ukuti Umwēne akālōndesyāga ikyēne ukufuma ku kalikōsa akakīndāne, u nkīkūlu akālīmo mu kipeligwa ikyāpabwāndīlo. Popāpo umwēne akaya mma mu fipeligwa, lōli umwēne yo kiyabo kya Adamu. Umwēne yo kyōmbo-kyapasima. Umwene ikubuka ku lubafu lwa Adamu, komma ukupela ikipeligwa ikingi, lōli ukwēga akayabo ka kipeligwa nukutēndēka ikipeligwa ikingi ukufuma ku kyēne. Kangī Umwēne ālyēgīle u mbepo gwakinyambala uyu āli mwa Adam. . . Kangī alinkwega u mbepo gwakikikulu uyu āli mwa Adam, ndigi, nukubiika ikyeene pamwanya pa nkiikulu. Popaapo, u mbepo gwa bosa-babili nu mbili, abeene balinkuya yumoywene.

109 Ali kyakwīmilila ikimogi ku iki Kyala ābōmbie ku Kalvari. Umwēne ālyēgīle Kristi, nu kundungīsya Umwēne ni Kipānga, ukwīsila mu lubafu ulukekigwe, Umwēne alinkutwāla i Lilopa ili lyāsukile u mūndu, ili likukemesya u nnyōfu gwa Kipānga, kangī ikubīka u Mbepo gwa Kyala gwabumi, uyu Umwēne

ālyēgile pa kipīngika pala, ukufuma mwa Kristi, kangi ikubika Ikyene mbuyo bwa yumo pamwene. Polelo abene bali yumoywene. Abene bisile ukuya yumo. Kristi na ugwe uli yumo.

<sup>110</sup> Kangi ugwe nu ndumego mukufimbilisigwa ukuya yumo. Linga kalipo kalikosa akakulwana, kokuti kalipo kamo aka katamisye nu bumobwene bwīnu.

<sup>111</sup> Kangi linga kalipo kalikosa aka kakulwana na uswe, kwa Kristi, uswe tutikwitika i Lisyu Lyake, nukuti, “O, ikyo kyaali kya masiku agangi,” kilipo kimo kitamisye nu bumobwene nu Mwene. Linga ugwe kuyoba, “Amasiku ga fiswigo gakindile; bukayapo nabumo ububūmbulūsyo Bwākyaala; lukayako u lōsyo lwa Mbepo Mwikemo,” bōmbela ikyo kunyuma kubuyobumo, ikyo kikunāngisya ukuti Mbepo gwa Kristi akaya mwa ugwe.

<sup>112</sup> Panongwa yakuti, “Ku bwandilo lyalipo i Lisyu, kangi i Lisyu lyāli na Kyala, kangi i Lisyu lyāli Kyala. Kangi i Lisyu lyapeliigwe ukuya mbili.” Kangi polelo akabalilo kako i Lisyu Lyake likuya lyakubonekela mwa ugwe, polelo, umwe muketile, ikyene kyo ugwe na Kristi muli yumoywene akabalilo kala. “Linga ugwe kwitugasya mwa Une, kangi i Lisyu Lyangu mwa ugwe, ugwe ubagile ukusuma aka ugwe kulonda,” panongwa yakuti ikyene kikaya ugwe kangi mma. Ilyene lyo Lisyu lya Kyala, Kristi mwa ugwe. Ugwe yaga yumo. Umma ndaga.

<sup>113</sup> Polelo, ikīndu ikīngi, ukufuma pāpo umwēne ikubōmba ikyo, ukufuma pāpo umwēne afwanikisye ifīngi syāke, kangi ālyēgile u bwēgi bwāke, nu kukwēga ingamu ya ndume-gwāke-uyu-āyaga, i ngamu ya nnyambala, polelo umwene yo gwakilingo gwa kilikyosa umwene ali nakyo. Umwene yo gwakilingo gwa kilikyosa. Unkasi gwako yo gwakilingo gwa kilikyosa ugwe kuyanakyo.

<sup>114</sup> Kangi ikyo kyo kindu iki i Kipanga kili, linga Umwene itolo āmenye ikyene, ukuya kiyabo kya Umwene nu Mbepo Gwake mwa Umwene. Umwene alinkuti, “Imbombo isi Une ngubomba mwisakubombaga umwe numwe. Ifikulumbapo ukukinda sisisi umwe mwisakubombaga, kabuno Une ngubuka kwa Tata Gwangu. Nkabalilo kanandi, kangi ikisu kyapasi kitikumbona Une kangi’mma; palema umwe mukumbonaga Une, kabuno Une ngwisakuyaga na umwe, mope mwa umwe, ku bumalikisyo bwa kisu.” Polelo ikyene yo Kristi mwa umwe. Umwe mulūnganisigwe palikimo, kangi umwe mwe bīngila-kilingo nu Mwēne.

<sup>115</sup> Kangi linga Umwene āli apa pa kisu, ngimba Umwene āngāli ikubomba fiki? Ikindu kilakila iki Umwene ābombile pala, panongwa yakuti Umwene yo yuyo mmayolo, umwisyugu, na bwilanabwila. Umwēne āngāli ikuya mpakikisye ukufwāna ni mbombo ya Tāta. Umwēne āngāli ikubūmbulūsyā ababine. Umwēne āngāli ikubōmba ifīka. Umwene āngāli ikubomba itolo katikati iki Umwene aabombile akabalilo kako Umwene aali

pa kisu, panongwa yakuti Umwene ikusyāla yulayula mmayolo, umwīsyūgu, na bwilanabwila. Ikyēne kyo itolo kipelelesye. Ubo bo bwegi.

<sup>116</sup> Loli, lilino, bule linga unkikulu uyu ikwegigwa, ikwega syosa ifingo isi na filifyosa, kangī umwene ikuya ndume gwa nnyambala uyu, kangī umwene yo gwakilingo ku fyosa ifi umwene ali nafyo, na fyosa bo ifyo, kangī polelo umwene ikubuka apenile? Umwēne ikwāndako ni ngalalisi. Umwēne ikwāndako itolo, ukubopela abanyāmbāla abāngi. Komma ikyēne ikyo, lōli umwēne ikuyabana u lugano lwāke na bāngi. Unnyambala nu nkasi gwake, ifingo syosa isi abene batēndike, kangī umwēne ikusōka pānja nu kwānda ukuyabana u būmbi bwāke na bāngi, u lugano lwāke nu bwīnake bwāke na bāngi.

<sup>117</sup> Ikyo kyo iki bīngi fīyo abikōlele Bakristi bikubōmba, ukuyabana u lugano lwābo ni kīsu: ukukina, ukumoga, ukulagusya, ukusyāla ku kāya kubutali ni ngomano sya lwīpūto, uku kētelele i senema, uluko losa lwa findu ifyankisu ifi fibonike ubuyo bwa lugano lwa Kyala, mu ndumbula ya kipanga. Umwēne yo abūkile ngalalisi. Umwēne yo akīndile apenile. Umwēne abūkile pānja ukukōnga abanyāmbāla abāngi. Umwēne ikuyabana u lugano lwāke. Umwene isakwegaga ikyakalongo kyāke iki umwene abagile ukupa ku kipanga; umwene isakutagaga ikyene pa findu ifingi panja pala nkisu. Umwene isa...Mbuyo bwa kungana Kyala mumo umwene ābagilile ukubomba, nukwitugalila Kyala, kangī ukugana ukwisa ku kipanga, ugwe kifuki ukufimbilisigwa ukunsōnga umwēne ukwisa.

<sup>118</sup> Fiki, une mmenye, apa pakaya patali mma, u—u ndumbilili ālīmbulīle une ukuti umwene ātumile u lwiputo nyingi fiyo... a makadi mingi fiyo, ukubēga abāndu ukusaina, ukuti abēne bisakufīngāga ukwīsa ku sukulu ya Pandungu pabunini-fiyo imyēsi ntāndātu pa kyīnja kilikyōsa.

<sup>119</sup> Kangī une nālimbwene u ndindwana unnini ugwaiyolo pāsī pa kāmba kula, kūko une nābombaga. Kangī umwene alinkusōka ukufuma pala. Kangī une nālimile pa kifigo, ikukung'usya ku kifigo, kangī umwene alinkwisa ku kifigo. Kangī umwene āli yumo mwa aba apa bākina ba niālu-gwāndīsu, umwe mumenye.

<sup>120</sup> Ngati ikipāmbō iki abēne bafimbilisigwāga ukubīkamminyololo ukusuluka apa mu Phoenix nkilo, une ngusūbila ikyēne kyāli, bikubōmba ubu ubuniōngāfu ubupya ubwa—ubwa tyonga-kangi-tyōnga, pamo batyōngi, kyōsa iki ikyēne kyāli, kangī abēne bafimbilisigwāga ukutwāla abasikali ukwīsa ukubēga abēne. Mwe bāndu bakeke, ngimba umwe mutikupilikisya ukuti uyo yo mbepo gwa mōhēsī? Pāsī pa luhaho, mpaka abene bakāmenye iki abene bāli, panja mu ngindi, ukwendendeka.

<sup>121</sup> Ngati bamo mwa aba abasekesyi, pamo ifi ifikuba ma rēkòdi, na bŭgili, na fyōsa bo ifyo, bikubŭka mu buyo, nkāya une nālīmo. Kangi abakīkŭlu abakeke bikufŭla imyēnda gyābo igyankati nu kutāga igyēne pa kigemo, kuli undumiana uyu ukubīkap'ingamu yāke. Ngimba umwe mutikusyagania ukuti uyo yo mōhēsī? Umwene yo mbepo gwa masiku gabumalikiyso. Nalōli. Ikyēne kyo soni fīyo. Mwākēta umwe lelo, bakīndīle bapenile.

<sup>122</sup> Unkīkŭlu untubwa uyu, umwēne alinkusōka pānja, ukwēndendeka. Umwēne akāmenye nukumanya une nālī... Alibwībwe une nālīmīle ku kifigo. Kangi umwene alinkuti, “O, nswaga une. Une nibibwe isyakuti ugwe gwimile pala.” Kangi umwene āsopīle ulufipo ku miana yula pa rediyo apa, kilikyosa iki ikyene kyāli, kangi alinkuti, “Une ngwaganaga na ugwe panja pa Greenbrier Patch,” pamo kilikyosa ikyene kyali. Abene bayaga pakuya nu luko lumo lwa fimogo ikilo kila.

Kangi une ndinkuyoba kwa Dok. Brown, uyu yo āli mwinangu gwa une.

<sup>123</sup> Umwene alinkuti, “Ngimba ikilundilo kyako kikulīle bulebule pamwanya pala, Billy?”

Ndinkuti, “Kanunu.” Une ndinkuti, “Uswe tukubapa abēne amapīlisi.”

Umwene alinkuti, “Ngimba lo luko luki ulwa mapilisi?”

<sup>124</sup> Une ndinkuti, “Nongwainunu. Ago nalōli gikumilisa abēne ukwīsaga akōsa akabalilo.” Muketile?

<sup>125</sup> Kangi umwēne ālimbŭlile une isya ikyēne, ukwīmba ifingo. Kangi une ndinkuti, “Dok. Brown, ngimba ugwe kwīnogōna ukuti yula unkine pusi-gwandisu pa rēdiyo yila ābagile ukufimbilisigwa ukutēndeka undīndwāna yula ukusīmba u lufingo ukuti umwēne ikuyaga ukukilania kula ikilo kila? Na panandi mma. Umwēne āngali ikūlisa imyēnda igi umwēne āfwēle, ukuti akafike kula.” Nongwa ya fiki? Ikyēne kyo kindukimo mwa umwēne iki kilūnganisīgwe umwēne, u mbepo, ku bwīkyēle bwakīsu.

<sup>126</sup> Kangi mpaka i Kipanga kya Kyala gwabumi, iki kikukōleligwa Nsīngiligwa gwa Kristi, kikufika kyēne kilūnganisēnie na Kyala bo lula, umwēne akāli isakubūnguluka nkīsu, mmatipa ga ndipa sya butulwanongwa, mpaka umwēne alūnganisīgwe na Kyala mu njila ya luko, mpaka indumbula yāke yiisusīgwe nu lwīmīko na maka ga Kyala, mpaka umwene akabagila ukukēta nakimo ikingi loli Kristi. Uko ko kutalusya.

<sup>127</sup> Ikyo kyo iki uswe twisakufimbilisigwaga ukubōmba. Ulo lo lwēne lubātiko, indendeko yēne iyi Kyala alinayo, ko kubōmba ikīndu bo ikyo. Ugwe kufimbilisigwa ukuya kooma nubwāti ukwēgeligwa nkati. Ugwe kufimbilisigwa ukupāpīgwa nkati, komma ukuponanigwa nkati, pamo ukutwāla ukalata ku kipanga. Lōli ukupāpīgwa mu Kipanga kya Kyala gwābūmi,

ukwisila mu kumesigwa-kāngi, na maka ga busyūke bwa Yeso Kristi, ikyo kikupela ugwe ukuya kipeligwa ikipya mwa Mwene. Amenī. Ikyo kikugolosya ikyene mosa. Ikyo kikubomba ikyene. Naloliloli. Umma ndaga.

128 Umwēne ikubūka gwāndisu. Umwēne ikwānda ukuyabana u lugano lwāke na bāngi, ifindu fyankīsu, ifyakusāngalusya ifyankīsu, ikuya ku mabuyo aga umwene akābagile ukubuka, ukuyoba ifindu ifi umwene akābagile ukuyoba.

129 Apa akabalilo kamo une . . . Abene bali na bakikulu . . . uluko lumo lwa lusekelo lwa kipanga pamwanya. Une ndinkwāgigwa ukuya ni kindukimo ikyakubomba pa lwalo lwa nyumba iyi. Kangi une ngubabula umwe, une mbilike ifindu fimo ifinyali akabalilo kako une naali ntulwanongwa, lōli, ulo lukomano lwa bakikūlu, une ngapilikamo siku isūnga imbibipo silisyōsa mbumi bwāngu bōsa. Ngimba umwe mubagile ukwinogonela, umundu uyu ikukoleligwa Nkristi, abagile ukwitikisya ikinyanyasi kya luko ulu kikukūya ukufuma ku bene?

130 Ugwe ukabagila ukwēga amisi amanyafu kangi amanunu ukufuma ili pīpa limolyēne. Ugwe kubika i ndobo nkisiba, kangi iyēne yikusōka panja yīswile ni ngelegele, uswe tusikōlèla isyēne. Akabalilo kako ugwe kubika indobo pasi kangi, iyene yikutwalaga panja ikindu kilakila. Ilipīpa likufūmba ukugūsigwa mōsa, kangi nukwīsusya na mīsi amanunu.

131 Ikyo kyo iki kyo lutamio ni kipānga umwīsyūgu, ukuyoba nkisukyosa, ukuti umwēne ikufūmba ukugūsigwa lōsa, ukwisusigwa lōsa na mīsi ga Kyala ukufuma ku Mwanya. Indumbula yāke yīsile ukuya kitubwi kya finyanyasi kya kalikōsa aka kisilemo mula. Umwēne ali na bagane aba luko lōsa. I Bāngèli lyāyobile umwēne āngàli ikuyaga. “Bagana busangaluke ukukinda ukuya bagana Kyala, babongotola-lwitikano, basitakanongwa babutungulu, basitakwigomola, kangi bafuyulaji ba abene aba bali batalusye.”

132 Kēta u nkīkūlu uyu ikugela ukwītūgāla mbutalusye, u nnyāmbāla uyu ikugela ukwītūgāla mbutalusye, umwēne ikwīsa ukuya “mbunguluke-mwīkemo,” umwene ikuya “mumilisi,” pamo ikindukimo ikyabumi-bwaiyolo. Umwēne yo kyakutāgigwa. Umwēne ikufuyuligwa nu kupīkigwa na bāndu ba kīsu iki. Uko ko kotalusya.

133 Loli ngimba umwe muketesisyemo siku iki i Kipanga ikyanaloliloli kikufimbilisigwa ukubomba? Mu Lwitikano Ulukūlu, akabalilo kako abene bāli ni—ni likemo, abene bagogile injuni yimo, nukubika ililopa lya yimo pa nnine, unnine umfwāno; kangi iyēne yapululukaga ukukilania ikīsu, yikubalania ililopa lya mwīnàke umfwāno. Akabalilo kako i Kipanga kikwisa ukuya Nsīngiligwa gwa Yeso Kristi, Umwene isakupimba i Lilopa lya Yeso Kristi nu Mwene, ukunyafila

ilyene pa mfu, ukukōléla, “Mwikemo, mwikemo, mwikemo, kwa Ntwa.” Ifyakusyungutila fyāke, icyāke ikiyabo kilikyōsa ikya umwēne kisakuyaga kya Kyala. Ubutēndeko bwāke bōsa bwisakuyaga bwa Kyala. Ugwe ukabagila ukugūlila nakimo ikīngi.

<sup>134</sup> Fyōbène abandu bikwisa ku kipanga, bope. Komma ukukina amakadi nu kukina pōka, ukumoga nkipālo, ukuya ni sekelo sya mposya ni findu bo ifyo. Ikyo kyo kya kisu. Kangi uswe tutisakubagilāmo siku ukufwanikisania na bēne, kangi isōni pa uswe panongwa ya kugela icyēne. Uswe tukufimbilisigwa ukulumbilila u Mbepo Mwikemo, mmaka, kangi ubusyuke bwa Kristi. Uswe tulinakyo ikindukimo abene bakaya nakyo. Unko uswe twitūgalēge icyēne, komma ukugela ukwegelela ukufuma ku bēne. Ukuyamūmi iki uswe tumenye kyo kitalusye. Ukuya mūmi mwa Kristi. Yeso alinkuti, “Linga une mfyusiyigwe mmwanya, Une nisakukwabilaga a bandu bosa kwa Une. Umwe mwe munyu gwa kisu kya pasi. Lōli u mūnyu gutāgile ubōnje bwāke, polelo ugwēne go kinunu kuli nakimo lōli ukutāgigwa pānja nu kukanyangigwa pāsi pa njayo sya bāndu.” Amabuketi gītu!

<sup>135</sup> Fyōbène, fyōpe na ifibugutila fyītu ifya Pentekosti, nu bubibi bo une nkibengile ukuyoba icyēne, ifibugutila fyītu i Fyapentekosti fikugwila mulamula mu kindu kilakila, mulamula mu bubōmbèlo bulabula. Kangi fyōbène abandu bikuyoba abene bakaya nakyo iki abene bikuyoba abene balinakyo. Iki i Kipānga kya bugute bwa kipentekosti kikulōndigwa ukuya fiyo kipinyigwe palikimo na maka ga Kyala Mwenemaka, mpaka u Būmi bulabula ubwa Yeso Kristi bukubonesígwa mwa Umwēne.

<sup>136</sup> Loli uswe tukulonda ukwēgelèla pa kisu. “Uswe tukuyaga pakubomba ikylene, mulimosā.” Muketile? “Uswe tukulonda ukuya ni njila yitu iya ikylene.” Loli uswe tulingabombāga ikylene. Ikyene kyo kisobi ukubomba ikylene. Ifipanga fili itolo bo yu nkikulu, babukile bapenile.

<sup>137</sup> Ikindu kyākwānda umwe mumenye, umwene ikwisa ukuya kanunu mosa, ku bwandilo akabalilo kako Kyala apele ubupāpigwe ku Kipanga kyapentekosti iki, ukufwana ifyinja malongo mana pamo malongo mahano ifi fikindilepo. Umwene ālitūgēle mwikemo. Umwene aali mwikemo. Amaka ga Kyala gaali nu mwene. Lōli bo uswe tukukīndilila, uswe tukwānda ukukōnga ikīsu.

<sup>138</sup> Ikindu kyakwanda umwe mumenye, uswe tukufikapo ukuya ni kiyūmba iki kyo kinywāmu fiyo icyēne kikufimbilisigwa ukumulika ukukīnda a baMethodisti ukukilania inguto yila iyīngi. Uswe tukufimbilisigwa ukuya ni kindukimo ikinywamu fiyo, kangi ikindu ikinywamu ukukinda fyosa, kangi ikindu ikinywamu ukukinda fyosa. Ikyene kyo soni. Bingi ba uswe



tukufika twībène ukwitutumula mmwanya akabalilo kâko uswe tukufika. . . Unkundwe gwa kiPentekosti ikuketa umunduyumo pâsi, akâbutumigwe kanini, pamo akapanga akanini akanandi, kangi abène bikubuka ku kipanga ikinywamu. “Uswe twe kipanga kyâkwânda, pamo i kipanga ikinywamu,” pamo ikindukimo bo ikyo; babonelâga abene.

139 Iki ugwe kulondigwa yo Mbepo Mwikemo, ukukufûta ugwe panini, uko ko kotalusya, unko umwe mumenye ukuti ulôsyo ulwanaloliloli ulwa Mbepo Mwikemo lwisakupelaga i suti ya tuxedo ukubîka amaboko gake ukûbatila aba ovorolo nukuyoba, “nkundwe.” Kotalusya. Ubwiputi bwa kabalilo-kaiyolo, amaka ga Kyala Mwenemaka, ena, nkulumba, gisakupela i diresi lyaiyolo lya siliki ukubîka ingongi syâke ukusyûngutila ilyamasapa, nu kuyoba, “Kalumbu, une nguganile ugwe.” Naloli isakubômba.

140 Lôli uswe tukwânda ukubûka pânja ni kîsu, ukusema na mayiga. Ikipanga kyitu kibômbile. Uswe tutikulondigwa ukuyoba isya ba Methodisti na Baptisti kangi umma. Ikyene kyo twibene. Ikyene kyo mu bwingi bwitu twibene. Iyo yo nongwa u Mbepo Mwikemo akabagila ukwenda. Iyo yo nongwa une nguyoba ukuti Kyala akabagila ukubîka ululûndiko Lwâke pa kipanganio kilikyosa ikilo iki. Panongwa yakuti, a Bâpânja bakâlyêgigwe pânja ngati kikolo. Abène bâli bându ukufuma mu Bâpânja, panongwa ya Ngamu Yâke. Kyala isakubêgâga aligwêsa pamwenepamwene.

141 Lilino, une ngwinogona ifibugutila fyitu fikubomba imbombo inunu. Ikyo kyo kili kanunu mosa. Lôli ugwe oukabagila ukusûbila pa ikyo, kuyoba, “Une ndi gwa pentekosti, panongwa yakuti une ndi gwa kipanganio kya kiPentekosti.” Ugwe gwe pentekosti akabalilo kako ugwe kuya nu bwisibile bwa pentekosti. Une ndikupasya kali ugwe guli gwa kipanga kya Katolika, ugwe guli gwa pentekosti. Ugwe ukabagila ukupângania Pentekosti. Pentekosti yo kwendelamo, komma i kipanganio. Kangi uko ko kotalusya.

142 Lôli uswe bându ba kiPentekosti tukwânda ukwînogona, panongwa yakuti uswe tuli ni ngamu ya Pentekosti, uswe tubagile ukukindilîla nukwitûgâsya nkîsu, ukubômba kalikôsa uswe tukulônda. Uswe tufwêne tukufyûka ikisônge kya Nimrod; ikyêne kisakubûkâga ku lyoto. Ngati i kifûnga kya lyani-lyamafilu kya Adamu; umwêne isakugomokela. Ngati u lukindi lwa Siegfried mu France, u lukîndi lwa Maginot mu Germany; umwêne âbongotwike.

143 Nongwa yakuti, yikayapo nayimo isônge iyîngi, napamo apângi pabwîme. “Lôli i Ngamu ya Ntwa yo sônge iyamaka iyi abagolofu bikubopelamo kangi baponesigwe.” Akabalilo kako ugwe kubopelaga mu Kyêne, ugwe ega i Ngamu, i Ngamu;

komma itolo ukukōlēla i Ngamu, lōli i Ngamu nu mūndu uyu ugwe guli, Kristi-ngati mbumi. Amen. Nnunu Umwene ali. Ena.

<sup>144</sup> Kipānga kibōmbile ikīndu kilakila, ukusulwa amabulogwe gamwambepo, bo yu nkīkūlu uyu abagile ukuyabana u lugano lwāke ukufuma ku ndume gwāke ku nnyāmbala uyūngi. U nkīkūlu yula akaya gwakufwāna ukwitūgāla nagwe. Umwe mumenye ikyo. Kangi akabalilo kāko i kipanga kikwānda ukusāmisa ubulilanisi bwāke ni kīsu, Kyala yo Kyala gwakabini. Umwene alinkubika Israeli ukusookapo panongwa ya ikyo, kangi u Mwanundumiana Gwake isakubikaga ikindu kilakila.

<sup>145</sup> Umwēne ikuyaga nayo u Nsīngiligwa uyu akaya nalo ulukinya mwa Umwēne. Amen. Umwene yo lōsa āsukīgwe ni Lilopa lya Bwāke bwene. Uko ko kotalusya. Polelo uswe tukukēta kūko uswe tukwima, ubwegi bukwitendekesya ukwisa.

<sup>146</sup> Lilino, uswe tukusyagania umwene ikutulwa ubulogwe bwamwambepo, bikusōka panja ni kīsu, ukuyoba ikindukimo, ukuya mūmi ikindukimo ikikīndāne. Ikyo kitisamo siku ukubōmba. Iki i kipānga kibagile ukubōmba, ko kubōmba mūmo Esita ābōmbile. Esita ākānile ukwimogesya kwa kīsu.

<sup>147</sup> Uswe tumenye akabuku akanini ka Esita, mūmo fikuti Modikai...Unjomba gwāke āli nu mwanundindwāna. Kangi āli pāsi akabalilo ka mabulagili ga ba Medesi na baPeresi. Ikyēne kyo kwakwēgelēla ikimogi pala. U mwalafyale, yumo mwa banyafyāle abakulumba ukukinda bosa nkisu i lisiku lila, umwene āli nu lusekelo ulukulumba. Kangi umwene alinkukolela u mwehe ukwisa kifuki nu mwene, loli umwene alinkutoligwa ukubomba ikylene. Umwene alinkupīka ukubomba ikylene. Popāpo ngimba umwēne ābōmbile fiki? Umwēne ālinkukosigw'isoni fiyo, akāmēnye ikyakubōmba, ukuti unkasi gwāke mwēne akābagile ukwīsa.

<sup>148</sup> Une ngwinogona ikyo kyo kyosa bo yu Kristi umwisyugu. Kristi atukōlīle uswe ukwitugasya mbuyo Bwakumwanya nu Mwene, kangi uswe tuli ni soni pa ikylene. Abandu bingi bali ni soni ukuyoba ukuti abene bali nu losyo lwa Mbepo Mwikemo. Bāndu ba kiPentekosti, uko ko kotalusya, abēne bali ni soni ukuyoba ikyēne. Uswe tukuya ni soni nu Mwēne.

<sup>149</sup> Kangi polelo u mwehe akābagile ukwisa. Umwēne alinkukāna ukwisa. Ikyēne kyālimfuywīle umwēne. Ikisyo kyāke kilunkwānduka kikeseфу. Aligwēsa āketēsīsyē.

<sup>150</sup> Une nguswiga linga ikisyo kya Yeso kitikusanuka kikeseфу panini, kyope, akabalilo kako Umwene ikukolela pa uswe ku mbombō yimo, ukukōlēla pa bugute bwa Kipentekosti kuli ubulīlanisi nu bukūndwe, kangi uswe tuli nubufyēnyo tupānganisīgwe fiyo mu fibūgutīla finini mpaka ugwe tutisakōniongoka kuli uyūngi. Uswe tuli fiyo, ukwisa ukuya bankīsu ni findu bo ifyo, uswe tukuya ni soni panongwa ya

ngamu ya Pentekosti. Abandu bamo bikutīla ukuyoba. Yoba, “Ena, une—une ningile ku. . . Une ndi Nkristi, loli. . .” Une nhobwike une ndinabo ubwendelemo bwa kipentekosti. Ameni. Une nhobwike ukupimba i Ngamu ya Yeso Kristi. Ulwēne lo lusako ulukulumba-ukukīnda une nālimo nalo siku, ukuyoba une ndi kiyabo kya Umwēne.

<sup>151</sup> Lilino uswe tukusyāgania, polelo, umwēne ali nabo bamo abayobelako, ukulālūsya iki uswe tukulōndigwa ukubōmba. Kangi abene balinkuti, “Linga iki kikukindilila bo ulu, bōsa aba basyēle ba bakīkūlu ukīndilila nkīsu bisakwēgāga ikyakwēgelēla kya nkīkūlu ugwakwānda.”

<sup>152</sup> Ena, ikyo kyo iki kikuboneka ikilo iki. Une nguketa bamo mwa bakikulu aba. Une ngusubila une ndikufulasya ubwipilike bwinu, loli une ngubōmba, une ngusubila une ngubōmba. Aa-ha. Kotalusya. Ukugela ukuya iki apa ikindu-kya-nkikulu gwakwanda, nu kutumula kwa nywilli kwa kugwa-kwa-misi uku. Une ngakibonamo siku ikindu bo kila mbumi bwangu bosa.

<sup>153</sup> Ilisiku ilingi ālipo unkīkūlu ikwisapo mu lilūka kūko une nāgūlilāga kuli u nkasi gwāngu, kangī untu gwa nkikulu yula āli nnywamu *lula*, kangī umwene āli ni langi ya mbindimbindi pāsī pa fisige fyake. Une ndinkuti, “Gomokela kunyuma, gwalukino. Une nguyaga kanunu.” Ubwene bwali bo buketelo ubwakinyanyasi-fiyo. Ubwene āngāli bukukutetemesya ugwe. Ngimba ikyene kyo fiki? Unkikulu gwakwanda. Ikyene yo nkikulu gwakwanda. Ikyo kyo kyene. Kangi abene bikwega ikyākwegelēla pa ikyo.

<sup>154</sup> Kangi unko une njobe iki lilino. Une ngāyobīle ikyēne musūnga, lōli mu kimanyisyo, ukuti umwe mubagīle ukukēta. Ikyo kyo katikati iki umwe Bakristi baiyolopo mukubōmba kuli abakekepo aba. Katikati kotalusya. Umwe mubagīle ukuya fyakwēgelēla. Umwe baPentekosti mwe mukwikolela ukuya na Mbepo Mwikemo, umwe mukuyaga kyakwegelelapo ku baMethodisti, na baBaptisti, baPresbeteri. Komma bo yu nkikulu gwakwanda, loli bo yu Yeso ugwe ubagisenie ukuya. Umwene ikukubūla ugwe nkati *Muno* ikyakubōmba, akabōmbélo ka ikyene. Uswe tukufimbilisigwa ukukōnga indagilo Syāke nu bwegelele. Lōli iyo yo njila uswe tukukyāga ikyēne. Esita. . .

<sup>155</sup> U mwēhe uyu, umwēne alinkusita kupilika ku kyēne. Umwēne alinkusita kwīsa; ukunkosyasi ni umwēne. Alinkuti, “Linga—linga u nkikulu gwakwanda ugwa kisu kyapasi ikubīka ikyākwegelēla bo lula, bosa abakikulu bisakubomba ikyene. Polelo akabalilo kako unnyambala ikukolela unkasi gwake, umwene isakuyoba, ‘Buka ukanyelele nkati nkisoko.’” Muketile? Ndumiana, umwene naloliloli āyobile-ngāni America, bule umwene? Lilino, uswe tukusyagania ukuti, mu kubomba lulo, polelo ālipo u nnyāmbāla uyu āli na mahala gamo ukusyūngutīla

umwène, alinkwisa kangu ulufundo nu mwalafyale. Umwene alinkuti, “Ikindu ikyakubomba ko kunkaga umwene. Kangu tuma panja ukwisila nkisu, nu kukolèla nkati bōsa abafunde aba baliko, abafunde abakeke, kangu mula salapo gwimwene u nkasi.”

<sup>156</sup> Ikyene kyaalinkyelile u mwalafyale. Popāpo umwène ātumile, kangu umwène ātumile pānja amakāmbāla, na fyōsa bo ifyo, aba bābūkile panja uku—uku salapo bōsa abafunde abakeke aba bābagile, abakikūlu abamogi ukukindamo mōsa mfitāngalala kangu mfiyabo ifi umwène āli pamwanya, iki kyo kyāli kikulumba-ukukinda nkisu kya pāsi.

<sup>157</sup> Kangu akabalilo kako umwene ābombile, ikyene kikwisa ku ndindwana unnini gwa kiYuda uyu. Umwène āli tutigi u luko lwa ntagigwa-pānja, panongwa yakuti, ngati Gwāpānja, umwe muketile, umwène āli ntāgigwa ukusōkapo ku lubafu lumo. Kangu umwène akāli nayo tāta na māma. Kangu Modikai, um jomba gwāke ānswilāga umwène. Kangu umwène āfimbilisigwāga ukubūka, ukubagilila.

<sup>158</sup> Kangu popāpo iki abēne bābōmbile, abēne bāfimbilisigwaga ukwēga abalindwana aba nkati kuli ubukemesyo ku myēsi mingi fiyo. Abēne babagile ukubapaka u lūma abēne nu kubōmba u luko lōsa lwa kumogesya, nu kubatēndekesya abēne mōsa lōsa, ukuti abēne babagile ukubūka pankyeni pa mwalafyale.

<sup>159</sup> Lilino, iyo yo itolo kifuki njila iyi ikisu kikulonda ukutendekesya ikipanga umwisyugu. Ukumogesya ikyēne lōsa ni kisu; ukwegelela ukukōnga i findu fya kisu; ukugela ukubāga abakipanga bingipo, ukwegela nkati kilikyosa mu bulilanisi bwābo. Mwe! Ikyene kyo kindu kipelakisa. Kimo ikipāngānio kikugela ukutola ikīngi kila, ukwēgela nkati kilikyōsa ukuya mbakasya. Ugwe ubagile ukubēga abēne mu kipāngānio iki, lōli abēne batisakuyāmo siku mu bulilanisi bwa Kristi mpaka abēne bapyāgiligwe lōsa nu kupāpīgwa kāngi mwa Mbepo gwa Kyala. Isyo syabwanaloli. Abene babagile ukuya ni ngamu syabo pa buku apa, loli komma kumwanya Kula, pa Buku gwa Kang’osi gwa Bumi, mpaka ikyene kisimbige ni Lilopa lya Ntwa Yeso.

<sup>160</sup> Bosa abakikulu, abene balinkwitendekesya bene mosa, ukuti baboneke bamogi. Kangu, o, une ngwinogonela abene bali nu luko lumo ulubonekelo pa bene, lumo ukufuma ku nkikulu gwakwanda na fyosa. Abene balinkwitendekesya bene fyosa panongwa yakuti abene bayaga pakubonekaga pankyeni pa mwalafyale.

<sup>161</sup> Une ngwīnogōna ikyo kyo kifuki kilūdiko kyosa kikuya lutamio ni fipānga umwīsyūgi. Abene bikugela ukwitendekesya bene, ubwankisu, ukuya nubwīkyēle bwankisu, ifindu ifyankisu mu kyene, ukubōmba ifindu ifi fyo fya kisu, ukwēndelana ni kisu, bikwīnogōna abēne babagile

ukwāgana nu Mwalafyāle. Kyala atikupasya isya ikyo. Umwene abēngēne na ikyo. Lōli uswe tukulōnda ukubōmbéla bo kīsu.

<sup>162</sup> Fimo mwa fipānga fyītu, une njobile, bikwīsyā pāsi imitaliko-gya-lupaso, ukwēga nkati badiakoni, na fyōsa bo ifyo, nkipānga, kangi utubalilo tumo abatimi, aba bo bēgi kana pamo kahano, kangi—kangi bamo mwa bēne aba bikukwesa i ngambo. Bikuyoba, “Abēne bisa—abēne bisakukilaniaga ikyēne. Abēne bikuyaga kanunu mōsa.” Ukwēga u nnyāmbāla ukufuma ku kyūmba kya kilabu ikilo kimo, kangi ukumbīka umwēne nkigemo ikilo ikikōnge. Une ndikwītika mu findu nafimo bo ifyo. Une ngwitika u nnyambala ikufimbilisigwa ukusisimikisigwa, uko ko kutalusya, āsisimikīsyē. Une ngubabūla umwe, utubalilo twīngi uswe tukukōléla . . .

<sup>163</sup> Une ngwitika mu lōsyō lwa Mbepo Mwikemo. Une ngwitika mu kuyoba mu ndimi, loli une ngwinogona uswe tukubika ubusito fiyo pa ikyo. U nnyambala abagile ukuyoba mu ndimi, kangi u nkikulu ikuyoba ni ndimi, kangi linga u būmi bwāke nu būmi bwāke butikufwanikisania ni ndimi ugwe kuyobamo, polelo ulwene lo lulimi ulusobi, panongwa yakuti u Mbepo Mwikemo isakukupelaga ugwe ukubombela bo i Bangeli. Ikyene kisakutwala ugwe ku bwisusye bwa bukusi bwa Kristi.

<sup>164</sup> Ugwe kwegu u mundu uyu ikuyobela mu ndimi, ubugasi ubwakufwana ukulwana ni kikekela-matapwa, nukuhēha isya bapalamani, na filifyosa bo ifyo. Fiki, ugwe kōléla ikyo u Mbepo Mwikemo? Ikyene kikabagila ukuya. Umma, nkulumba.

<sup>165</sup> U Mbepo Mwikemo yo ulwīyīsyō, ubuhobofu, lutengano, kukubilwa-katali, ubununu, ubōlōlo, ubutēngamoyo, lwitiko. U Mbepo Mwikemo, ikyo kyo kipaso kya Mbepo, ukuti u Mbepo Mwikemo ikupāpa mu Kipanga kya Kyala gwabumi, ubunyāfu, kangi ulwīyīsyō, ulwiwūfyō, lugano yumo ku nnīne, ukukubilwa-katali.

<sup>166</sup> Linga u nkundwe asobile, komma itolo ukunkoma umwēne pamo ikindikimo ikīngi. Buka ukunkōnga umwene kangi kēta linga ugwe ubagile ukuntwala umwene ukugomokela. Komma ukugūlila kuli ndumbilili ukubomba ikyene. Ugwe kubomba ikyene, umunduyumo uyungi. Undumbilili akabagila ukubōmba ikyēne kyōsa, nayōpe u ndiakoni akabagila. Aligwesa, yo mbakasya gwa Mbili ugu gwa Kristi, ikufimbilisigwa ukubuka ukunkōnga yumo nu nnine. Uswe tulinayo . . . Kangi linga uswe tulinayo u Mbepo gwa Kristi mwa uswe . . . Umwene āmanyīsyē ikimanyilo ikikulumba. Abēne bāsilekile sila malongo-lwēle-na-lwēle-na-yimo, nukubūka kuli yila yimo. Ikyo kyo iki uswe tubagisenie ukubomba. Loli uswe tukuyoba, “O, baleke abene babukege.” Uswe tungabomba ngamo ikyo siku. Uswe tukufimbilisigwa ukuya bololo, bākuhobokéla, butengamoyo. Ikyo kyo kipaso kya Mbepo.

<sup>167</sup> Lilino, uswe tukwiyàga twībène polelo, ukuti Esita, ukufuma pāpo umwēne...Abēne bālimbīkile mu bumo mwa mabuyo gala, ukumwēga umwēne atēndekesigwe lōsa, ukuntēndēka umwēne ukunāngisya pankyēni pa mwalafyāle. Mwe! Umwene ākānile icyene. Umwēne akālondāga icyene mma. Umwene ālondaga ukusōka panja itolo bo umwene āyīlile. Ameni.

<sup>168</sup> Uswe tulinafyo umwīsyūgu ukuti ifipānga ifi fikulōnda ukubōmbela ngati kīsu, pamo, 'nngongwa yakuti uswe tukuya banywāmu. Kyala alinkuti, "Akabalilo kamo umwēne āli nnini, abēne bambombelaga Umwēne. Lōli akabalilo kāko umwēne āfikile nywāmu, polelo abēne bālibwībwe Umwēne." Uko ko kutalusya.

<sup>169</sup> Akabalilo kāko uswe twāli na akāngabya kākitini ukusuluka apa pa kapūlo pabuyobumo, na tamborini, ukukakoma akēne ku nyuma kwa maboko gītu; ni gitala iyaiyolo, ukukuba iyēne; nu kuya nu lukomano lwa ndukīndi, umwe mwāli biyīsye. Lōli akabalilo kāko uswe tukufika pakuya ni miyūmba gya madola mamiliyoni matatu pamo mana, kangī ifikulumba ifīndu ifinywāmu bo ulu, polelo uswe tukuya bamatāti fiyo ukufwana na ikyo, uko ko kutalusya, tupuputigwe mōsa ni kīsu.

<sup>170</sup> Une nāli mbuyo i lisiku limo kūko, u nkundwe gwabwīkēmo, kyālipo ikibugutila kya bāndu bikumbōmbela umwēne. Kangi linga unkīkūlu aligwēsa asōkàga panja ukufuma mula pa kabalilo ka kōfi, ukwēga ulutūsyo lwa kōfi, unkikulu aligwesa nkati mula āli ni nywili imbīmba kangī afwele ifipaka-milomo. Lilino, ugwe kuyoba, "Nkundwe Branham, ugwe ukaya ni mbombo nayimo ukuyoba ikyo." Une ndinayo. Ili Bangeli likuyoba ikyo. Uko ko kutalusya.

<sup>171</sup> Ikilūdiko kya bakīkūlu Bakipentekosti bikufwāla imyēne igi giliti bo gya nnyāmbāla, kangī Kyala āyobīle icyēne kyo mwiko mmaso Gāke. Uko ko kutalusya. Ngimba ugwe kugūlīla bulebule ukubuka ku Mwanya bo ulu? Ikyene kikubonesya ukuti u Mbepo Mwikemo akaya nkati mula mma. Linga u Mbepo Mwikemo aali nkati mula, Ikyene āngālī kikukutobesya ugwe. Kutalusya. O, ugwe ubagile ukulalata, ukuyobela mu ndimi, ukubopela mwānya-nu-kusuluka, ukumoga mwa mbepo. Une mbabwēne aba Hindi bikubōmba ikyo, kangī abaIndia, na filifyōsa ifīngi. Ikyo kitikusanusya nakimo, pene papo bulipo u bumi ukutūla iki ugwe kuyobapo, amaka ga Mbepo Mwikemo, ukutendeka abandu abītugale mbunyakyala. Uyo yo Nsingiligwa gwa Kristi.

<sup>172</sup> Esita ayaga pakuya nsīngiligwa, popāpo umwēne akālōndile nafimo ifya kwīmogesya fya kīsu. Umwene alondaga ukubuka mula, ku mwalafyale, mumo itolo umwene ayīliile. Umwēne ālimogīsye mwēne mūmo abakīkūlu ba kipentekosti babagile ukubōmba, ni mbepo inyōlolo iyakwīyīsya. Kangi

akabalilo kāko bōsa abamogesigwe, abakīkulu bākwaṇda bikusegelela, na fyōsa ifyābo ifipya ifīndu fyapamwanya, mwalaŷyale alinkubaketa abene, nukubabika abene nkyūmba na bapamitala. Lōli akabalilo kāko Esita uyu ikwīsa pa maso gāke, kangī umwēne āli nulukētesyo lwa yila inyāfu, iyākwiŷisya, imbepo inyōlōlo, umwene alinkuti, “Uyo yo mwene. Buka kege ingiga nukuyibika iyene pa ntu gwake.” Ikyo kyo kyene.

<sup>173</sup> Unko abēne bīmogesye bēne nu luko lula lwa mbepo, abakīkūlu bēne mma, lōli abanyāmbāla, bōpe, bīmogesye bēne nu luko lula lwa mbepo. Polelo ugwe gwītēndekisye kuli u—u Nsīngilīgwa, nnyāfu, gwalugīndiko. Esita ātēndike indumbula yāke nsukīgwe.

<sup>174</sup> Filipo fingi fiyo ifi uswe tukupasya, iki panja, o, ikyēne kibagile ukuya ni fisosya-nginya fingi fiyo, kangī fingi fiyo fya *iki*, uku—ukubūka isya ikyēne.

<sup>175</sup> Apa akabalilo kamo aka kakindilepo, une nālimile mu—mu bukyūnga-fyaiyolo mu Tennessee. Une nākīsēnie akabuyo akanini, kangī ikyēne kyānāngīsye ubulīngānie bwa mbili gwa mūndu. Ikyēne kyāyobile u nnyāmbala uyu āli nsito amapaundi mia yumo na malongo mahano, mmikota āli nu ntēngo gwa masenti malongo-lwēle-na-mana. Lilino, ugwe uli munduyumo, bule ugwe, masenti malongo-lwēle-na-mana? Kangī abakīkūlu bamo bisa, abakīkūlu ba kiPentekosti, bisakufwāla ikijāsī kya lukoti ikyā madola bamia-bahano nukwīnusa untu gwābo mmwanya, linga ukwēne kwātīmaga, iyēne āngāli yikubamisya abēne, kangī abēne bakafikapo napantēngo gwa masenti malongo-lwēle-na-mana, uko ko kutalusya, mu mikota. Ubo bo bwanaloli, komma i sunga. Ubo bo bwanaloli. Amasenti malongo-lwēle-na-mana, kifuki ukufwāna ukusīngula ukunyāfila pa kifūmbwa kya nguku, kangī akapatu akanini ka kalasiumu na fyōsa bo ifyo. A masenti malongo-lwēle-na-mana, umwe kētēsya ikyo kifuki nalōli.

<sup>176</sup> Ugwe kubūka ku bulīlo nu kwākwaḡa . . . kwēga akapake ka mposya kangī mubagile ukuyamo ibūbi mu gwēne, ugwe ubagile ukustāka u bulīlo bula.

<sup>177</sup> Lōli ugwe kwisakundeka u mōhēsī ukufōndēka iyaiyolo i senema imbwāpufu ni findu fya makadi ukusuluka pa mmilo gwāko, nu kumila ikyēne; ukupela ugwe ukufwāla igyaiyolo imyēnda igyabubwāpufu, abakīkūlu aba, utu utunini utwaiyolo utudiresi utufyēnye tuliti utukuyubuligwe-lōsa utupūtilo, nukusōka panja apa pa lukindi bo lula. Kangī ngimba ugwe umenye, kalumbu gwāngu, une nsikuyoba ikyo ukuya sūnga. Ugwe kumbilika nu busobi.

<sup>178</sup> Pilikisya. Une nguyoba iki. Umwe mukubombela bo ulo, kangī pa Lisiku lya Bulongi umwe mwisa kubaligwaga bo yu ndogwe. Kutalusya. Yeso ātīle, “Aligwesa uyu ikuketa ku nkikulu ukunnyonywa umwene abombile ubulogwe nu mwene

mu ndumbula yake.” Kangi akabalilo kâko untulwanongwa ikufimbilisigwa ukwamula panongwa ya kusulwa ubulogwe, ngimba ywâni yo ikyêne? Ugwe. Ywani âtendîke ikyene? Ugwe. Uko ko kotalusya. Linga ugwe kwibika gwimwene panja pala, ukukêta pankyeni pa banyambala, ukuya bo kisu kyapâsi nu kufwala bo kisu.

<sup>179</sup> Une ndinkuyoba ukuti akabalilo kamo, kangi nu nkikulu, Louisville, Kentucky, umwene alinkuyoba, “Ena, pilikisya kuno, Tata. Branham. Une ngukupâga ugwe ukupilikisya lululu lilino!”

Une ndinkuti, “Ena, mama?”

Umwene alinkuti, “Ago go luko lwêne lwa myenda abene bikutendeka.”

Une ndinkuti, “Abene bikutendeka a makina gakusónela nukulisya ifindu.”

<sup>180</sup> Iyene yo nongwa ugwe kulonda. Kilipo kimo kitamisye mwa ugwe. Uko ko katikati kotalusya. Ugwe utikubomba ikyene mma panongwa yakuti ikyene kyo bubonekelo. Ugwe utikubomba ikyêne panongwa yakuti ugwe kufimbilisigwa ukubomba ikyene. Ugwe kubomba ikyêne panongwa yakuti ugwe kulonda.

<sup>181</sup> Ugwe kukwesa nongwa yakuti ugwe kulonda. Ugwe utikufimbilisigwa ukubomba. Une ngwînogòna ikîndu ikuyabutoyofu-ukukînda une ngêtîlèmo siku âli nkîkûlu ikubûka ndukîndî, mûmo umwe mukukêta aligwêsa, iligâli, ni ngambo sila pakati pa nyôbe syâbo. Fiki, ikyêne kyo kikosyasoni. Ikyo bugute ubunywâmu-ukukînda ubwa batula-balugu uswe tuli nabo nkîsu iki, akabalilo kâko abagânga na sayansi ya mikota bikuyoba ikyêne kyo kîswile na cancer na kilikyôsa ikîngi. Kangi abêne bikukifipa palapala pâsi pa bêne, akabalilo kôsa.

<sup>182</sup> Kumbona unkikulu, abagile ukuya Nkristi, agololwike panja pala pa kiloboko, nu kôgèla na-banyâmbâla, afwêle ilyâbi lwakôgêlêla, agololwike panja pala. Une ndina balindwana babili. Une ndikuyoba ukuti abene bakâbagile ikyene. Abêne bikuyoba abene bikwêgako ilângi ya lisuba. Abêne bisakwêgako ilângi-lyamwanundumiana linga une ndimûmi. Ikyêne kisakuyaga mwanundumian gwa *iki*. Muketile? Ikyene kisakuyaga mwanundumiana gwa Tâta. Branham, ni ngili ukufwana ubutali *ulo*. Une ngwitika ikyene kyo kisobi.

<sup>183</sup> Polelo uswe tukwikolela twibene, “O, uswe twe mbakasya ya kipanga kya Pentekosti.” O, isoni pa umwe! Kotalusya. I kipanga kya kiPentekosti kikulondigwa ukusukigwa, injila yosa ukufuma nkyeni ukufyuka ku nyuma, kangi ukukînda mmwanya na mu lwâlo, kangi mmafyûkilo. Uko ko kotalusya. Kangi palema, mu fyosa fya ikyene, ikyene kyo kinunu ukukînda-fyosa iki uswe tulinakyo. Loli ikyene kibagile. . .



184 Itolo ngati mu bwānduli kangi nkabalilo ka Joan gwa ku Arc, France bāfūmbwāga u mwānduli, polelo abēne bikufūmbwa undwāna-nu-bwānduli ukugolosya lōsa fimo mwa fīndu abēne bikusāmbukila.

185 Kangi i kipanga kya kiPentekosti kikulondigwa u mwānduli. Kutalusya. Naloliloli kikubōmba. U lusāmbuko ukulwāna ni fīndu ifi fyo fisobi, nu kwītisyà i fīndu ifi fyo fitalusye, ameni, ulōsyo ulupya lwa Mbepo Mwikemo: “I Kipanga ukwipela Mwene ukuya ntendekesye!”

186 Kumbukilaga, ikyene kitisakuyamo siku . . . Ugwe ukabagila ukuyoba, “Ena, lilino, une ningile ku *iki*, aba Assemblies. Une ndi gwa Foursquare, pamo Kipanga kya Kyala, pamo Ngamu ya Yeso,” pamo—pamo balibosa ba bene. Umma! Ugwe ukabagila ukwingila nkati pa kilikyosa kya ifyene.

187 Kyala ikukukolela ugwe ukuya pamwenepamwene. Kangi ikyēne yo ugwe gwe kufimbilisigwa ukuya nswepu, panongwa yakuti, “Umwēne ikwēga abāndu ukufuma ku Bāpānja, panongwa ya Ngamu Yake, u Nsīngiligwa Gwake, u Gwapanja.”

188 Esita alisukile mwēne. Umwēne āsukile indūmbula yāke. Ikyo kyo iki umwēne āpyāgile. Ikyo kyo iki ikipānga kikulōndigwa: ukusuka-kwa-ndumbula.

“Kusukaga bulebule mu ndumbula yako, Nkundwe Branham?”

189 “‘Ukusukigwa na mīsi ga Lisyu,’ ukwisila mu Lilopa Iya Yeso Kristi.”

190 I Bāngèli lyāyobile ikyēne kyo kisobi kuli abakīkūlu ukubōmbēla injila yila, kangi abanyāmbāla ukubaleka abēne ukubōmba ikyēne. Ikyo kyo bosa-babili ba umwe. U nnyāmbāla uyu isakundeka unkīkūlu gwāke ukusōka pānja mu lukīndi nu bwāsi, ni myenda afwele bo ulo, une ndinalo ulugīndīko ulunini kuli umwene nukuya yōpe nnyambala. Umwene yo kyakwangasya. Uko ko kutalusya. Umwene ikubombela imbombo umwene bo kipuputula-sahani. Isóni pa ugwe. Umwe kufimbilisigwa ukuya banyambala.

191 Kangi u ntīmi isakukileka ikipānga kyāke ukukīnda itolo ni findu bo ifi, kisita kulūduma ubufitano panja ukufuma mu kyēne ukufuma pa kigemo. Umwene yo likikulu. Ifi uswe tukulondigwa bo banyambala, i Nongwainunu, komma ni na magolovesi amatofu, loli na maka nu kubonekesya kwa Mbepo Mwikemo, ni Lisyu. Ili Bangeli likuyoba ifindu ifi fisobi. Ifyene fisobi kuli a bandu ukubomba injila iyo, ukubombela injila iyo. Ikyēne kikulōndigwa ukulūmbililigwa, nu kwītugaligwa, kangi kulikōsa. Kisita-ikyō, i kipānga kikufūmbwa ulupēlo, ukusuka mōsa.

192 Esita āsukile indūmbula yāke pankyēni pa Kyala, ālyēndile kula ni mbepo inyōlōlo kangi iyakwīyīsa; i Kipānga iki kyo

kikuyaga Nsingiligwa gwa Kristi. Lilino, kumbukilaga, Esita apikile ubumogesyo bwakisu. Umwene alinkwega u Mbepo mu ndumbula yake, ukubuka pankyeni pa mwalafyale.

<sup>193</sup> Kangi u nkikulu umwisyugu, i kipanga iki kikwinogona ukuti umwene kikwingilaga panongwa yakuti umwene ali nayo i mbalilo nyingipo, umwene ali kilundilo ikifwāke-kununu ukukinda, umwene ali nakyo ikipāngānio ikinywamu ukukinda fyosa, ikipanga ikinywamu ukukinda fyosa nkaya, ni findu bo ifyo, ugwe kwisakukipondwa ikyene amamailosi elifu-elifu linga ugwe kusubila pa ikyo.

<sup>194</sup> Ikyēne yo nyāfu, yākisa, mbepo yalugīndiko ku Lisyu lya Kyala, “ukusukigwa na mīsi ga Lisyu,” kangi i Lisyu mwa ugwe. Ikyēne kyo kusuka. Ameni. I kipanga kikufūmbwa ukusukigwa, ukusukigwa kwa Nongwainunu-inyīsusye. Uko ko kutalusya. Komma itolo ikiyabo kya kusuka, lōli u kusuka kwa Nongwainunu-inyīsusye, ukusokigwa mōsa, “bapeligwe fipeligwa ifipya mwa Kristi Yeso.”

<sup>195</sup> Nsingiligwa gwa Yeso akaya nsingiligwa umbwāpufu. Umwēne akabagila ukuya nu Gwāke umbwāpūfu, Nsingiligwa.

<sup>196</sup> Linga u nkikūlu ikwīsa ukwēgigwa, kangi umwēne ābonekāga ngati umwēne ukusōkamo mu kibaga kya ngulube panja pala; u nyāmbala uyu ali nu lugīndikigo lulilōsa ukusyūngutila umwēne, akabagila ukummwēga umwēne. Umwēne ikumpelaga umwēne ukwīsūka mwēne mōsa.

<sup>197</sup> Kangi akabalilo kāko i kipānga kya Kristi kikwīsa ukwēgigwa, kikwīnogōna umwēne ikuyaga mwa Nsingiligwa, ni kisu kyosa kikōlike ku mwene, u Nsingiligwa gwa Kristi atisakuya bo lula mma. Umma, nkulumba.

Une ngufimbilisigwa ukubopela.

<sup>198</sup> Somma-kyōpe i Kipanga kya Kristi, ikya Ntwa Yeso Kristi, i Kipānga kila kikaya Kipānga kyafilepukelepuke, pamo, ni fifūnga ifilepukano fya fipānga-fipāgūke. Umwene atikufimbilisigwa ukuya mbakasya ya kipanga-kipāgūke kimo ikikulumba. Umwene ikufimbilisigwa ukuya nsukigwe-mu-Lilopa, ūligwe-mu-Lilopa. Komma ukuyoba uswe twe benekaya ku kipanga ikinywamu ukukinda fyosa, ikipāngānio ikinywāmu-ukukīnda, pamo *iki*, *kila*, pamo *ikingi*. Umwēne abagīle ukuya mpelelesye, unsukigwe, mwikemo, kisita linonia pamo īnginya, ni Lilopa lya ugwāke—ugwāke u Mpoki, Yeso Kristi.

<sup>199</sup> Ngati Esita, u Mūndu umfisigwe mu ndumbula, u Mūndu umfisigwe, u bōlōlo nu butendamoyo bwa Mbepo gwa Kyala, mu ndumbula ya mūndu; komma u lwīmīko nu kwīpāgūla kwa kīsu.

<sup>200</sup> Une akabalilo kōsa njobile i kīsu kikulāngala; i Nongwainunu yikunyeka. O, ikyēne kyo amamailosi elifu-elifu pabutali. Hollywood ikumulika; i Kipanga kya Kristi

kikunyeka nu lugano, kang'i untofu, kang'i ulunoge, kyākisa. Uko ko kutalusya.

201 Esita akālōndile ukwimogesya mwēne na gyōsa i myēnda gyalilino gya kīsu. Ikyo āngāli kitikuboneka bo nkasi gwa mwalaſyale.

202 Kang'i ngimba uswe, tukulonda ukuya bo ki kisu kyapasi, kang'i ngimba ikyo kibonekaga ngati Nkasi gwa Nnyambala Mwikemo? Uswe, ukuya Kipānga kya Kyala gwabūmi, twimogesye twībēne ni findu fya kīsu, kang'i polelo ukuboneka ngati u Nkasi gwa Nyāmbāla Mwikēmo? Ngimba ikyo kikuyaga kipeligwa?

203 Linga ugwe kumbona u nnyāmbāla umwīsyūgu, uyu ābagile ukuya nnyāmbāla umwīkēmo; apa ikwīsa unkasi gwāke pāsi, bo yu nkīkūlu gwākwanāda, bumō mwa bula ubupēselo-nywīli ubukulumba ubunywāmu pānja bo ulu; kang'i ifindu ifikeseſu pa lubafu lumō, kang'i ifindu fyambindimbini pa lubafu ulūngi, kang'i—kang'i ikuboneka ngati umwēne afumile pakutikigwa nkanwa ni kyakusīngulila kya lāngi; kang'i lōsa u luko ulu lwa findu bo lula, ukwēnda ukusuluka u lukīndi, mu myēnda iminini imifyēnye-imifōndeke bo lula; ni fitēnde kifuki ubutali ubu, ukutyōnga mula, ukwīyugānia ukusuluka u lukīndi; nu kuyoba, “Uyo to nkasi gwa nnyāmbāla mwīkēmo”? Une ndikuyoba i sūnga mma. Une itolo ngutēndēka ubuyobi.

204 Une nālīsile ku bumō mwa bugute bwītu ubukulumba bwa kiPentekosti, apa pakaya patali mma. Une nāli ni kihēma kitēndekigwa mōsa. Kang'i u ntimi alinkuyoba kwa une, alinkuti, “Unkasi gwāngu yo nkuba-malōnge.”

Une ndinkuti, “Ikyo kyo kinunu, nkundwe.”

“Ngimba ugwe kupāsya umwene akubega?”

Une ndinkuti, “Umma. Umma, nkulumba. Une naloliloli ndikubomba.”

205 Kang'i umwene alinkubuka kwa nkētesi. Unkētēsī alinkuti, Nkundwe Baxter, alinkuti, “Ikyo kyo kili kanunu kyosa.”

206 Umwene alinkuti, “Nkundwe Branham, isaga kuno. Une ngulonda ugwe ukakwagana nu nkasi gwangu.” Kang'i une ndinkubuka ukukilania kula.

207 Ngulamba nswaga une. Muketile? Une ndikugela mma, ukututendeka uswe u—u buyobelo. Une ngugela ukubomba ubuyobi. Muketile?

208 Kang'i u nkīkūlu āli nakyo kimo mwa ifi apa ukupaka-inyōbe. Une ngamanya. Ikindu kila, umwe mumenye, fyosa fitendekisye, kang'i une ngafibonamo siku u luko lwa mbumi bwangu; kang'i i diresi ili lyāli fīyo ubutali ukusuluka pāsi nkati *munō*, kisita nyuma mu lyēne, kang'i kifuki napamo na pāsi mu lyēne. Kang'i une—une ngakētāmo siku ulubonekelo bo lula mbūmi bwāngu. Kang'i umwēne āli indebelebe inywāmu

ingulumba sikulolomboka pāsi bo *ulu*, kangi ikilündiko kyōsa ikya findu afwēle.

209 Kangi une ndinkukelengania. Une ndinkwinogona, “O, une!” Une ndi gwa Baptisti, kangi une mmenye ukukindapo apo. Une ndinkuketa kangi. Une ndinkuti. . .

210 Lilino, ngulamba, isi sikaya sunga mma. Loli une nafimbilisigwaga ukuyoba ikylene kwa nkundwe, kangi une ngusubila ikylene kyalintulile umwene. Komma ukuyoba ikyēne ukuya nkīndāne; linga une nābōmbīle, une nāli nsyōbi, muketile, nafūmbwāga ukuya nsukīgwe mōsa, nimwēne.

Une ndinkuti, “Nkulumba, ngimba ugwe uyobile unkasi āli mwikemo?”

Alinkuti, “O, ena.”

211 Une ndinkuti, “Umwene ikuboneka ngati kikemo, kwa une.” Une ndinkuti, “Une—une ngakētāmo siku u luko lwa bukētelo bula mbūmi bwāngu, ukuya nkasi gwa ndūmbīli. Ikyo kitikuboneka ngati nkasi gwa nnyāmbāla umwīkēmo.”

212 Kangi nakyōpe ikipānga kya Kyala gwābūmi, ukusūbila pa fyalilino fyāko, isekelo syāke isya kyai, ni sekelo sya banko, ni ngino sya makadi, ni fimogo, nu kuyīla—palikimo, ukwimogesya mwēne bo lula, ni kīsu, ukuboneka ngati u Nsingiligwa gwa Kyala Mwikēmo. Akabalilo kāko umwēne ikukwēsa i ngambo, ni fimogo, ni sekelo, ni fyākulya fya mposya, nu kunwa ififuluganie, na fyosa bo ifyo, kangi nukuyoba abene bo Nsingiligwa gwa Kristi? Kitikuboneka ngati Nkasi gwa Nnyambala Mwikemo, kwa une. Umma, nkulumba. Umwene akābagile ukusāla i kindu bo iki. Umwene āngāli ikwega u nkikulu uyu āli ntalusye, ikuboneka bo iki Umwene āgelāga ukwimila. Une ngwitika ikyo kyo kyabwanaloli. Ikyo kibagile ukubafulasya panini itolo.

213 U māma gwāngu gwākulūlu akīndile. Akabalilo kāko une nāli ndumiana nnini, uswe twālisibīle ukuya. . .Tukāli nakyo nakimo ikya kulya, kifuki, kangi uswe twali ni ndima sya kisige-kitītu nu nkati gwa filōmbe. Une ngamanya kali umwe mumenye iki ifyēne fili pamo mma. Popāpo uswe tukāli mma. . . Umwēne akāli nago amafuta galigōsa ukukīnda ikyīnja, kangi uswe twāfimbilisigwāga kifuki ukwēga ulwāiyolo ulunywāmu ulwāngabia ulwāiyolo bo *ulo*, nu kubīka ifipapa fya nyama mu kyēne. Uswe twāfikāga kūko abēne bātumulāga, pamo abakekanyama bākekāga i nyama nu kutupa uswe i kipapa. Kangi uswe twāyabania ikyēne, ukukaba amafuta, nukōnelēla agēne pamwanya pala.

214 Ikilo kya Mpyāgilo kilikyōsa, māma āyobīle uswe twālōndigwāga ulugelo lwa mafuta ga mbosya. Kangi une—une itolo ngabagila ukwikifya i findu fila mpaka nalīno. Kangi une nāfimbilisigwa ukunwa ikylene. Une nīsāga ku mwene, ngolelile imbulo yangu bo *ulu*. Une mbagile ukuyoba, “Mama,

une—une ngabagila itolo ukwega iyene.” Une ndinkuti, “Ikyene kikumbela une ukuya mbine fiyo.”

Umwene alinkuti, “Linga ikyene kitikukupela ugwe ukuya mbine, ikyene kitikukubōmbēla ugwe ubununu bulibōsa.”

<sup>215</sup> Polelo une ngwinogona iyo yo njila nu kulumbilila i Nongwainunu. Linga ikyēne kitikukutikumbula ugwe panini panandi, ega ikyāko...ukwīpilika ifyāmūnda fyāko ifyamwambepo fyāndeko mbutalusye, ukukupela ugwe ukuya mbine panini, ukwīyāgānia gwīmwēne ni Bāngēli: ukukēta linga ubugāsi bula ubwaiyolo, nu bwīmi, ubusitakyala, ulugano lwa kīsu, senema, ni findu nkilo; nukukileka i kipānga kitūgasye kisitabandu, kangi i fikota-fya-kipānga fitūgasye kisitabandu. Akabalilo kako, ugwe kufimbilisigwa ukuya panja pala bo yu Yeso, ugwe uli nagwe Mbepo Gwake mwa ugwe, kugela kwēga aligwesa nkīsu ukwisa ku kipanga kyāko, ukwambilila Kristi. Kangi uswe tukwikelela twibene polelo u Nsingiligwa gwa Kristi? O, ko kupelakisa kuki, mwinangu!

<sup>216</sup> Isala yīsīle. “U Nsīngilígwa Gwāke itendekisye Mwene.” O! “Ālitendekisye Mwene.” Umwēne ālāmbalike palubafu fyōsa fya findu ifi. Kumbukilaga, Esita āsaligwe, kangi abāngi bāpīkigwe. Kangi bene babo bapapigwe kangi, aba bali na Mbepo gwa Kyala, bisakuyaga Basaligwa i Lisiku lila, ukuti ingiga ya lwīmīko yisakubīkigwa pa ntu Gwāke. Kangi abangi bisakutagigwaga.

<sup>217</sup> Unko une mbabule umwe akandukamo akanini aka kabonike. Une—une, une ne ntumigwa, mumo umwe mumenye, ukubomba imbombo sya busasanianonga, imbombo ya butumigwa, kifuki kahano-na-kabili ukukilania-inyānja, ukusyungutila ikisu kya pasi. Apa, pakaya patali mma, nkaya ka Roma, Roma yo kāya akakulumba aka lwēke. Kangi abēne bāli ni sukulu ya lwēke kula, kangi bingi ba bāndu bītu abakeke ba Kimerika bikubūka ukukilania kula ikyīnja kilikyōsa, ukwakwēga ubumanyisigwe bwa kyīnja-kimo-pamo-fibili mu lwēke, ukumanyila ukusīngula ififwāni. Kyālipo ikibugutila kya batubwa ba Kimerika bālisile kuno, ifyīnja fināndi ifi fikīndilepo, bo mūmo akapāngo kābūligwa kwa une. Kangi akabalilo kāko abēne bikufika ukukilania kula, abēne itolo bikubūka-ngulube-busāmbūke. Akabalilo kāko abēne bali mu Roma, abēne bikubōmba bo Roma ikubōmba: ukusōka pānja nu kunwa, nu kwīfūla bēne, na filifyōsa ifīngi, nukwēndendeka, bosa-babili abalumiana na balīndwāna.

<sup>218</sup> Kangi yālipo i sukulu yimo. Kangi mu sukulu iyi, iki—iki ikibugutila kya bakeke ba kiMerika bālisilēko. Kangi aligwesa gwa bene, kifuki, abobile ikindu kilakila. Loli undindwana yumo unnini, umwene akābagile ukwitikisya ikyene, na panandi. Umwēne āsyēle nkati. Pa kabalilo ka nkilo, umwēne alinkubala akabalilo kāko abēne bāli pānja bikunwa.

Pamusi, umwēne ābōmbàga, ukufūnda. Mulimōsa, umwēne āli nsekesye gwa sukulu yōsa. Kangi umwēne ālikyūngile mwēne ngati nkīkūlu. Palema nalinga bālīko abalumiana ba kiRoma na filifyosa ukusyungutila, ukugela ukummwegela umwene ukusōka panja, umwene alinkukāna ikylene. Umma, nkulumba. Umwene alimile palapala na mabuku gake amanandipo, ukumanyila ukusīngūla, kangi ku ukupaka, ndigi. Kangi umwene alimile ni kyene.

<sup>219</sup> Kubumalikisyo, u nkyungaji pa buyo alinkūmilisya ukunkyunga umwene, ukukéta umwene āli fiyo nkīndāne, palema nalinga umwene aali gwa Katolika gwa Roma, alinkūmilisya ukunkētésya umwēne, mūmo umwēne ukwipāgūla mwēne. Amayolo gamo, undīndwāna unkeke, ndubīngilo kūko i–i studiyo yāli, fiki, pamo u buyo kūko abēne bāli ni sukulu, umwēne alinkwēnda pānja pa buyo-bwa-sukulu, kangi alinkubūka pamwanya kubwa pa mwanya pa kām̄ba, kangi i lisuba līngilāga. Kangi umwēne ālimile pamwanya pala, ni kyāke ikimogo, ikisyo ikipelelesye, kangi inywīli syāke sisololwīke pāsi, ikukéta ukukilania injila *yila* kubwa ku lisuba ili līngilāga.

<sup>220</sup> U ndindilila ugwayiolo yula āpyāgilāga ukusuluka kula ndubīngilo. Umwēne alinkūmilisya ukunkētésya undīndwāna yula, bo umwēne āpyāgilāga. Ikindukimo itolo kilinkūmilisya ukumbula umwēne, “Būka, yoba ku mwēne.” Popāpo umwēne alinkulāmbālīka pāsi u mwēyo gwāke, alinkufūla ikyāke ikyaiyolo ikitili kyabusikali, alinkwēnda kula kūko u nkīkūlu unkeke āli. Alinkukosomola pa mmilo gwake. Umwene alinkusanuka ukusyungutila. Umwene alinkuti, “Nswaga une, ndindwana.”

Umwene alinkuti, “Ena, nkulumba. Naloliloli.”

<sup>221</sup> Kangi umwēne alinkusyāgānia umwēne āfumile pakulila. Bōsa abāngi bāli pānja pa bwīkyēle ubunywāmu bwa kilo kila. Umwene alinkuti, “Mama, une ngusubila ukuti ugwe kumbilikisya une mu njila indalusye, ukuti une itolo nguyaga pakuyobaga kwa ugwe.” Alinkuti, “Ugwe uli kuno, kifuki ukukinda ifyinja fibili lilino. Kangi une ngētesisye ikibugutila iki ugwe gwīsile nakyo, kingikingi abēne bikusōka pānja pa sekelo, nu kwīsa nkati utubalilo tōsa nkilo, bagēle, kangi imyēnda sīnda bafūlile ukufuma ku bēne, na filifyōsa. Lōli une ngētesisye ugwe utikubūkàko ku sekelo bo sila.” Kangi alinkuti, “Une—une ngukētésya ukuti, kufwana, ukuti ugwe akabalilo kōsa kukéta ukukilania inyanja. Amayolo galigōsa, ugwe kwēnda pamwanya apa, kangi kwīma apa amayolo galigōsa, nu kukētésya i lisuba likubūka pāsi.” Kangi alinkuti, “Fiki, ngimba kyo fiki iki kikapela ikyo?” Alinkuti, “Une ne mundu unkangale. Kangi une—une nūmilwe u kumanya iki kikapela ukukindana pakati pa ugwe na bangi.”

222 Umwene alinkuti, “Ena, nkulumba.” Umwene alinkuti, “Nkulumba, une ngukétela ku kâya akabalilo kâko i lisuba likwingila.” Umwene alinkuti, “Ukukilania, ukukinda ilisuba lila kwisilia kyo kisu-kya-kukâya kyangu.” Kangi umwene alinkuti, “Nkati nkisu kila kiliko ikiyabo kimo. Kangi mu kiyabo kimo kila kaliko a kâya kamo. Kangi nkaya kamo aka yo nyumba yimo. Kangi mu nyumba yila yo ndumiana yumo.” Alinkuti, “Umwene, yope, yo mwati. Akabalilo kako une nsökengépo, ukwisa kuno, une nafingile u lugano lwangu ku mwene. Uswe tusingiligwe kwa yumo ku nnine.”

223 Kangi umwene alinkuti, “Kali kyo kiliku iki aligwesa gwa bene ikubomba, ikyo kikaya nakyo ikyakubomba na une.” Umwene alinkuti, “Une naafingile ukuya nu bumi mbwanaloli kangi mukutalusya.” Kangi umwene alinkuti, “Une nîsyükile ku lisiku ili akabalilo kâko une ngwîpilika nimwene pamwanya pa mapiko ga ndege inywamu yila iyi yîsakunyêga une ukukilania i nyanja nu kumbika une pâsi ku kibanja kûko umwene isakwâgâna na une. Umwene ikuyenga a kâya, kangi uswe twisakwîtugala palikimo nkisu kila.”

224 Kangi alinkuti, “Fyôbène une ngubômbéla injila iyi une ngubômbéla. Une ne gwabwanaloli ku lufingo ulu une nâtëndike u ndumiana. Kangi umwene yo gwabwanaloli ku lufingo ulu umwene ikumbela une.” Alinkuti, “Une ngupilika ukufuma ku mwene, kingi-kingi, kangi une ngusimba kwa umwene, kangi,” alinkuti, “ukusîmbilâna kwa yumo nu nnine. Uswe tukâli tukukolelêla ifingo syîtu, tukugûlila kuli i lisiku uswe tukwâgâna.”

225 O, mumo ikyo kyabagiile ukubombela kuli u Nkristi ugwabwanaloli, ukusookako ku findu fya nkisu. Kangi ilisiku limo, ugwe kuyobaga isya kwiisa mu kiliboko, pa mapiko ga Ngungubiya! Umwene ikwisilaga u Nsîngiligwa, yumoywene uyu atikukwëndendeka ni kisu pamo i findu fya nkisu. Umwene asukigwe mu Lilopa lya Kang'osi. Umwene afindile Ulwâke—Ulwâke u lugano kwa Umwene popâpo. Ulugano lwa kisu lukindile kangi lufwile ku Mwene. “U bwegi bwa Kang'osi bwisile, kangi u Nsîngiligwa Gwâke itendekisye Mwene.”

Unko uswe twinogone isya ikyêne akabalilo kâko uswe tukwinama imitu gyitu itolo pakabalilo.

226 Ilisiku limo, mumo une ngukétela ku bwîngile bwa lisuba, une nîne, ifyînja malongo-matatu-na-kimo ifi fikîndilepo, nâtëndike ulufingo kwa Yumo uyu une nâlingânile, lôsa u lugano lwangu ku Mwene. Une bwila ngelile ukunkolelela kuli Umwene ni Lisyu Lyake, kulikosa kuko une ngubuka. Une mmenye balipo bingi abangi bitugesye nkati muno, bo ulu, tukugulila i lisiku ili akabalilo kako i sitima ingulu ya Siyoni yikwisaga nkiloboko, ukupîmbila mmwanya imyoyo gyitu nu kutwêga

uswe mu Kuyapo kwa Umwēne Yūyo uswe tunganile kangi tufingileko u lugano lwitu.

227 Babagile ukuyapo bamo muno ikilo iki, aba bakatendekamo siku ulufingo lula. Pabagile ukuyapo bamo aba batēndike icyēne kangi bakonywile icyēne. Linga ugwe uli mu bwitugasye bula ikilo iki, mwinangu, nongwa ya fiki ugwe utikwisa itolo ukugomokela ikilo iki kangi ukwiyandisya nu lufingo lwako? Linga ugwe ukaya, tendeka icyene. Fiki ugwe utikwisaga nukutendeka icyene ikilo iki? Yoba, “Ntwa Yeso, une nguganile Ugwe.”

228 Kumbukilaga, linga ugwe utalile utēndike u lufingo lwāko, kangi ukāli kōngānia ni findu fya kīsu, Yeso atisakuya nu nsingiligwa bo ulo. Umwēne atisakuya na yumo yūyo gwabulogwe. Lōsa u lugano lwāko lukuyaga ku Mwēne. Kangi linga ugwe kugana ifindu fya nkīsu, kangi ifyālilino fya kīsu iki, kinunupo ukukīnda mūmo ugwe unganile Kyala, polelo ugwe ukītēndeka gwīmwenē ukwītēndekēsya.

229 Ngimba umundu yula ali muno ikilo iki, akabalilo kako uswe twinamisye imitu gyitu pasi, ubagile ukufyusya ikiboko kyako, utigi, “Nkundwe Branham, nyīputila une. Une ngulōnda ukuya injila yila. Une—une ngulōnda ukuya kiyabo kya Nsīngiligwa. Kangi une mmenye une ngubōmba ifindu ifi une ngufimbilisigwa ndingabōmbaga. Nyīputila une”? Kyala akusaye ugwe, kalumbu gwangu gwa kiMwēnye. Kyala akusaye ugwe, kalumbu. Kangi ugwe, nkundwe gwangu. Kangi ugwe, nkundwe. Aligwesa uyungi? Fyusya ikiboko kyako, yoba, “Ngumbukilaga une, Nkundwe Branham. Une—une—une—une mmenye une ngaya kanunu mma.”

230 Lilino yaga gwabwanalolindumbula na gwimwene. Keta kunyuma ku bumi bwako. Ugwe kufimbilisigwa ukuketa kunyuma bo ugwe ukali ukabuka nkyeni. Keta iki ugwe ufumile pakuya. Keta iki u mbepo yu ugwe upelile ugwe kubomba. Linga ugwe ukaya mma. . . Linga ugwe kufumusya ukuya Nkristi, kangi pōpe ugwe pōpe kōngānia ni findu fya kīsu, nkundwe, kalumbu, ngimba ugwe ubagile bulebule lōli ukuya mfwamaso linga ugwe utikukibona ukuti ugwe uli nsobi?

231 Yumo āyobīle ilisiku limo, alinkuti, “Nkundwe Branham, ugwe kufimbilisigwa ukusōkapo pa bāndu bo ulo.” Alinkuti, “Abāndu bikukukōlōla ugwe nsololi.”

Une ndinkuti, “Une ngaya nsololi mma.”

232 Alinkuti, “Loli abandu bikwinogona ugwe uli. Ugwe ubagisenie ukumanyisya abakikulu aba. Mbuyo bwa kubabula abene ukumesya inywili indali kangi u luko ulutalusye lwa myenda ni findu bo ifyo, ugwe kulōndigwa ukubabūla abēne akēgelo ka findu fyamwāmbepo.”

233 Une ndinkuti, “Une ngubamanyisyaga bulebule abēne i aljebra, akabalilo kāko abēne batisa nukwēga ba ABC, i sukulu



ya bāna? Bakayanabo nu bwifyùsi bwapalipōsa ukwisuka bēne mōsa, bikwīkōlēla, 'U Nsingiligwa gwa Kristi!'” Une ndikuyoba ikyo mmatāti. Une nguyoba ikyo mu lugano lwabunyakyala.

<sup>234</sup> Mūmo une nāyobile ulubūnju ulu, linga une ngukēta ugwe kusuluka pāsi nkisōko mu bwāto, nu kukubona ugwe kuyaga pakutika ku mīsi-amatūnye, ubwato bula butisakukikyegaga ikyene, une ngukukolela ugwe nukuywega kwa ugwe, une ndikugela ukukufulasya ugwe. Une nguganile ugwe. Panongwa yakuti, linga ugwe utikubōmba, ubūmi bwāko bwisakutāgīgwa.

<sup>235</sup> Ngimba alipo uyungi yumo, fyusya amaboko gabo bo uswe tukāli ukwiputa? Une ngukubona ugwe, kunyuma panja pala. Kyala akusaye ugwe, kangī ugwe, ugwe. Ugwe umenye ubumi bwako bukubonesya ugwe uli nsobi. Ugwe ukāli ukiganile ikīsu ukukīnda Kyala, polelo kilipo ikīndukimo kisobi pabuyobumo. Keta kwa ugwe. Panja mfyumba panja pala, fyusya ikiboko kyako, yoba, “Nyīputila une, Nkundwe Branham.” Kyala akusaye ugwe. Kyala...Uko ko kotalusya. Nubwanaloli ku bununu, une—une ngunyonywa ubwanaloli-ndumbula.

<sup>236</sup> Ulo lo lutamio ni kipanga kya kiPentekosti umwisyugu. Uswe tukaya nabo u bwanaloli-ndumbula bula uswe twālisibile ukuya nabo. Uswe tukaya nabo ubukifu uku—ukwīsa nu kuyoba ikyo, ukwītikīsyā uswe tuli basobi. U mōhēsi itolo ali nubukolelelo pa kipānga mpaka ikyēne kyo itolo kikubūnguluka mu ndipa sya kīsu. Komma ukubōmba ikyo.

<sup>237</sup> Ubumi bwako bwēne bukūsisimikīsyā ukuti ugwe ukaya nakyo iki ugwe kuyoba uli nakyo. Polelo fiki utikulata ikyene? “Umwēne yūyo isakulāta ubutulwanongwa bwāke isakuya nu luhobokelo: umwēne yūyo uyu ikufisa ubutulwanongwa bwāke atisakukaba mma.” Ugwe ukabagila ukukifisa ikyene. Kyala amenye fyosa ifya ikyene. Kangī linga ugwe kukēta kangī kumanya ukuti ugwe utikwītūgāla mbutalusye, polelo nongwa ya fiki utikulāta ikyēne, nu kusōka pānja nukukileka ikyēne kiyeye pabwēlu?

<sup>238</sup> “Imbībi sya bāndu bamo sikubūka pankyēni pa bēne; simo sikukōnga.” Unko isyāngu sibūkēge pankyēni. Unko une njobe syōsa isyāngu lululu lilino. Unko Kyala ege ikyene kanunu. Ikyo kyo iki uswe tubagisenie ukubomba.

<sup>239</sup> Galipo kifuki amaboko ntāndātu pamo lwēle gābūkile mmwanya. Apo naloliloli galipo ukukīnda ago mu kapānga kanini aka, ikilo iki, ikya bandu mia-yumo-na-babili apa, pamo lumo mia yumo na malongo mahano. Kyala akusaye ugwe, ndumiana ntubwa. Lilino, Kyala akusaye ugwe, nkikulu. Kyala akusaye ugwe, kalumbu. Uko ko kotalusya. Kyala akusaye ugwe, mwanundumiana. Ikyo kyo kinunu.

<sup>240</sup> [Ubuyo busitakandu pa tepi—Nsimbi]. . .-kosti abakikulu baalisibile ukusitakutumula inywili syabo, loli abene bikubomba isyene umwisyugu. Ngimba fiki fyabonike?

Abène bālisibile ukusita kutëndeka...ukufwāla—ukufwāla ifyakwīpākāpāka. U māma gwāko akābōmbile, linga umwēne āli gwakipentekosti. Ngimba kyabonike kyo fiki? Panongwa yakuti abene bikubunguluka mu findu fya nkisu. Kangi ikisu kikukéta kwa uswe. Uswe tukufumusya ukuya Kipanga kya bwikemo. Ngimba kitamisye kyo fiki? Uswe tutikuboneka ngati Nsīngilīgwa gwa Kristi. Isya umwe banyāmbāla panja pala, ikindu kilakila. Nkundwe, isoni pa ugwe.

<sup>241</sup> Tāta Gwakumwanya, akabalilo kāko une ngukéta panja ukukilania, nukutendeka ukukōléla kwa pakigemo mu njila bo ulu, ukukemela, ukulāsulania pāsi, kikuboneka ngati ikyēne kyo kyabugāsi. Lōli nkati mwa une ngōn'ililopa, akabalilo kāko une mmenye uswe tukuya kifuki kubumalikisyo. Utubwato utunini utu tukuyaga pakulendemuka mōsa, limo mwa masiku aga. Ubufwe bukutikaga, nu kusukulika. Kangi utubalilo twingi tulinga une ngoleliigwe kifuki ulubafu lwabo, nukubapilika abene bikuyoba, “O, Nkundwe Branham, linga une nābagile itolo ukwitugala ikylene kangi.” Polelo, akabalilo kōsa aba babāgile, Ntwa, ukutëndeka ikyēne kitalusye!

<sup>242</sup> Une ngugela mbununu bwangu bosa. Kyala, u Mbepo Mwikemo alisetulaga ikylene ku bandu, ukuti une ngugela itolo ukubatūla abene, komma ukubakemela abēne. Loli, mumo Pauli āyobile, ugwa iyolo! Kyala, une ndikulōnda abēne ukuya bafulasigwe, lōli une ngulōnda ukubafulasya abēne ukufwāna ukuti abēne bisakukētāga pāpo abēne basōbi.

<sup>243</sup> Une ngusuma ukuti Ugwe kupaga, ikilo iki, abandu aba, aba bikufyusya amaboko gabo, nu—nu lugindikio ulwakufwana fiyo uku—uku syāgānia, pankyeni pa Kyala, ukuti abene basobi, kangi abene bikulonda ukuya batalusye. “Londesya, kangi ugwe kwisakwaga. Kung'ūsya, ikylene kisakwīgūka.” Lōli linga ugwe nasiku ukung'usya, ngimba Umwene ikwigulaga bulebule? Ugwe utikulōndesyāmo siku, ngimba ugwe kuyaga pakukyāga bulebule?

<sup>244</sup> Unko u Mbepo Mwikemo, Ntwa, atwalege abandu aba ku kwiypa lōsa kwa Kyala, ikilo iki. U nkulumba Tāta gwa Ntwa gwītu Yeso Kristi alibakemesyāga abēne, moyo, mbili, kangi mbepo, kangi bīka abēne mu Mbili gwa Ntwa Yeso Kristi. “Kabuno u bwegi bwa Kang'osi buli kifuki, kangi u Nsīngilīgwa Gwāke itendekisye Mwene.” O Ntwa, iki kiliyaga kilo kya kwītēdekēsya, kabuno kilābo libagile ukuya lisiku uswe tukwāgana nu Mwēne. Uswe tukamanya yo sala nki uswe tukukōleligwāga ukwagana nu Mwene. Tupaga ikylene, Ntwa.

<sup>245</sup> Lilino akabalilo kako une ngwiputa, kangi umwe muli ni mitu gyīnu pāsi. Aligwesa gwa umwe uyu afyusisye ikiboko kyako, linga ugwe uli gwabwanaloli-ndumbula na ikyo, kangi ugwe naloliloli kusanusya ikylene, kangi ugwe ukaya ni soni ukubitikisya abandu bamanye ukuti ugwe uli nsobi! Ugwe kwisa

kufimbilisigwaga ukwima na bene kula ku Bulongi, munjila yiliyosa. Kangi Kyala abikile ukutobesigwa kwakufwana pa ugwe, ukuti ugwe umenye ukuti ugwe uli nsobi.

<sup>246</sup> Apa akabalilo kamo aka kakindilepo, une nālumbililága i kindukimo bo ikyo. Une nāyobile ku nkikulu unkeke imile kunyuma kula. Umwēne alinkuboneka ububibi, umwānundindwana gwa ndumbulili. Kangi umwene alyāgēne na une panja pa kipanga, kangi linga umwene akālimbēsile une pāsī! Umwēne alinkuti, “Ugwe kīndu kisitakumanya.” Utunini, utwābuhuni, utulomo utupakigwe-mōsa; imbimba, inywili insēngigwe. Umwene alinkuti, “Linga une ngulonda umunduyumo ukuyoba kwa une isya ikyo, une ngumwagaga umundu yumo uyu ali na mahala gamo.” Alinkuti, “Komma ugwe siku ukwisa pa kigemo kya tāta gwangu nukulumbilila ikindu bo ikyo kangi.”

<sup>247</sup> Une ndinkuti, “Ugwe kusanusya ukumbula une, u baba gwako, undumbilili unnunu ugwanaloli-ndumbula mumo umwene ayilile, kangi akabagila ukulumbililaga ukulwana na ikyo?”

Umwene alinkuti, “Umwene akākupālile ugwe ukwisa kuno. . .”

Ndinkuti, “Umwēne akālimbālile une, na panandi. Une nīsile ukwīsila mu kubilikigwa.”

Umwene alinkuti, “Une ndisakukuswamo ugwe siku panongwa ya ikylene.”

<sup>248</sup> Une ndinkuti, “Ikyo kyo kili kwa ugwe. Une itolo nākongile i Nongwainunu.” Isīngi sya maluba silinkupūta pala mu kapepo akanini. U nkikulu unkeke ummogi.

<sup>249</sup> Pankyēnipo panandi, ukufwana ikyinja kimokyene, une ndinkukinda nkaya kala. Une ndinkumbona yulayula u nkikulu unkeke ni sketi yāke yisololwike pāsī, ukukwēsa i ngāmbō, ikubūka ukusuluka u lukīndi. Une ndinkwinogona, “Uyo yo nkasi gwa Nkundwe *Gwakuti-na-gwakuti*, pamo, mwanundinwana.” Une ndinkwenda ukukilania ulukindi, nguketa ukuti linga une ngabagiile ukummwaga umwene.

<sup>250</sup> Umwēne alinkukēta mmwanya kwa une, ikukwēsa i ngāmbō iyi, alinkupūta iyēne ukwīsila mu mbulo yāko. Umwēne alinkuti, “Ofwa, ndūmbilili,” ubuyobelo bwa busitakyala ku kyēne, bo ulo.

Une ndinkuti, “Ena, ena!”

Alinkuti, “Egapo ukukwēsa kumokwēne ukufuma ku sogoto yāngu. Yaga nnyāmbāla.”

Alinkuti, “Ngimba ugwe ukaya ni soni pa gwimwene?”

<sup>251</sup> Umwēne alinkufikila pāsī mwa buku gwāke gwamunyāmbi, alinkuti, “Polelo yaga ni ngāmbō yimo.”

252 Une ndinkuti, “Isoni pa ugwe. Isoni pa ugwe, ukupa ugwambombo gwa Kyala i ngambo.”

Umwène alinkuti, “Polelo lumu ugwe kwēgaga u kunwa kumo ukufuma mu supa yāngu.”

Une ndinkuti, “Ngusuma komma ukuyoba icyene.”

253 Une ndinkunkēta umwēne. Une ndikutoligwa ukwīkyūnga kukulila, nongwa yakuti u gwīse yo nyāmbala nnunu. Une ndinkunketa umwene. Une ndinkwinogona, “O, mwe! Umwene inogonaga aali na kabalilo kingi.”

254 Une ndinkwanda ukwenda nkyeni. Une ndikutoligwa ukugāga amasosi ukufuma mmaso gangu. Une ndinkukindilila. Umwene alinkuti, “Gulila i miniti.”

Une ndinkuti, “Ena, mama?”

255 Umwene alinkwenda ukugomokela. Ikyene kyāli kifuki isoni ukuyoba ku mwene pa lukindi, abandu bikukīsānia. Umwene alinkwenda ukusegelela. Umwene alinkuti, “Ugwe umenye iki ugwe gwalimbulile une ikilo kila?”

Une ndinkuti, “Une bwila ngukumbukilaga.”

256 Alinkuti, “Une ngulonda ukukubula ugwe, ndumbilili, ugwe gwaali nталусye.” Umwene alinkuti, “Une nalinsulumanisye Mbepo Mwikemo akabalilo ka bumalikisyo.” Lilino, apa po bulipo ubuyobelo u nkikulu yula ātendīke kwa une, kangi une ndisakwibwamo siku icyene, akabalilo kosa aka une ngwitugasya. Umwene alinkuti, “Umwene ābombaga na une ikilo kila. Loli,” alinkuti, “akabalilo kako une nālinkagile Umwene akabalilo kala, icyene kyāli kyabumalikisyo kyangu.” Alinkuti, “Indumbula yangu yiye ngafu fiyo; une ndikupasya kuli Kyala, kipanga, pamo nakimo ikingi. Une ngufuyula tata gwangu, ilisiku lili lyosa.” Kangi umwene alinkuti, “Une mbagile ukuketa umoyo gwa mama gwangu gukukalangigwa mu gehena, bo kisyesye kya mulwāngabya, nukuseka ku kyene.” Uko ko kunsulumanisya Mbepo Mwikemo akabalilo akabumalikisyo. Inogona isya icyene.

257 Unko uswe tubūke ku Kāya pa mapiko ga Ngungubiya. Unko uswe tuyege Nsīngilīgwa. Fyuka mmwanya ukufuma ku kikota kyāko lilino, linga ugwe uli nsobi. Isaga pamwanya apa. Ima pa kigemo nukuyoba, “Une nsobile. Nkundwe Branham, une ndinabo u bugasi. Pamo, une—une—une nītūgēsye ubusitakyāla. Une—une mbagile ukusitakubōmba ifīndu ifi une ngubōmba. Nkundwe Branham, une mbombile *iki, kila*, pamo *ikingi*. Une ndobesigwe panongwa ya kusyoba. Une ndi ni nongwa ya kuhiya. Une ndobesigwe ikya kindukimo. Une ngambombela Kyala mūmo une mbagīle, kangi une ndinisoni pa nimwene, kangi une ngulōnda ubūmi bwāngu butēndēkigwe kanunu. Ngimba ugwe utikunyīpūtilāga une kuno ikilo iki, Nkundwe Branham?” Une nisakusangalukāga ukubōmba icyene.

258 Linga Kyala isakwāmula inyīpúto syāngu, ukupilika ababine, bafwamaso, kangī bāmbungo, Umwene naloliloli isakupilikaga ulwiputo kuli untulwanongwa. Ngimba ugwe utikwisaga nukuya kiyabo kya Nsingiligwa ikilo iki? Une ngubakōlelaga umwe ukwisa.

259 Ndaga ugwe, nkundwe gwangu. Une ngunyonywa uluko lula ulwa bukifu, ulu lwisakwendaga panja nukwītikisya ugwe uli nsobi. Kyala akusaye ugwe, nkundwe. Ima papapa *apa*.

260 Ugwe kusanusya ukumbula une, ugwe gwābagīle ukufyusya ikiboko kyāko kangī komma ukuya gwābwanaloli-ndumbula ukufwana ni kyēne? Ngimba kyo fiki kyābonike ku bāndu? Nkundwe, kitamisyē fiki? Ngimba kitamisyē fiki na bāndu bītu mu lisiku ili? Ugwe kusanusya ukuti ugwe kufyusyaga ikiboko kyako, ukuti ugwe gwaali nsobi, kangī polelo utisakwisa? Kangi mumenye, “Umwene uyu amenye ukubomba ikinunu, kangī atikubomba ikyene mma, ku mwene ikyene bunyali.” Ngimba ugwe utikwisaga?

Akabalilo kōsa unkubapiano, linga ugwe ubagile, kalumba, gwaologani, itolo akīmbo akanini.

261 Une ngukukōléla ugwe. Une ngulonda ukukulalusya ugwe. Balinga nkilūndīlo iki bīsīlèmo mu ngomano akabalilo kāko. . . Umwe mumenye une ngaya ndumbilili. Une ngaya nabo ubumanyili mma.

262 Kyala akusaye ugwe, nkikulu nnini. Ikyo kikwega u ndindwana ugwanaloliloli ukubomba ikyo. Akanini akakwāya ukwisa kuno, akusaye ugwe, kalumbu gwangu. Ubo bo bukifu naloliloli. Une—une ngunyonywa u nkikulu unnini yula. Kyala akusaye ugwe, luuki. Une ndinagwe undindwana unnini ku kāya, kifuki ubukusi-kosa u bwāko, unnini Rebekah. Une ngupalisya umwe. Undindwana unnini Mwēnye? Kyala akusaye ugwe, lūki, akāndēnga akanini aka. Kyala ayege na ugwe, ndumbula-nyafu. Ugwe, kalumbu nnini, Kyala ayege na ugwe. Kangi na ugwe, kalumbu.

263 Lilino, kēta kuno. Linga abakīkūlu abakeke bo ulo, abalīndwāna abanini, abateta mmabyebye; nukulumbilila u bulumbilili ubu bukutumula abene ntuyabo, kangī apa abene bikwisa pala, bamenye ukuti abene basobi, bikwīma mmwanya apa pankyēni pa kilūndīlo ukutēndēka ululāto. Naloliloli, naloliloli umwe mwe bakikulu bakusi, ngimba mutisakwisa umwe? Endaga pamwanya apa, kangī mwimege papapa apa.

Ngimba une ngulondesya ikisyo Kyako;  
Bumbulusyāga iyāngu infulasigwe, imbepo  
imbongotoke.

Unko uswe twīmbe ulwēne.

Mboka une ni lipyana Lyako.

Mpoki, Mpoki,

Pilika . . .

264 Naloliloli ugwe gwe gwabwanaloli ukufwāna ukwīputa ulwīpùto ulwakwīyisya, “Kōlela, Ntwa, gela une, kangi kēta linga kilipo kilikyosa kisóbi na une.”

Komma ukungisania une.

Kyala akusaye ugwe, kalumbu gwempala.

265 Balinga ndukomano ulu bimile nu kuketa, mu kilundilo, abakikulu, abanyambala, na bosa, balinkwisa pala akabalilo kako une nimege pa kwiputula ababine, kangi u Mbepo Mwikemo ikubabula abene ifindu, ifya mbibi syabo ni findu, kangi nukumanya? Balinga ba umwe mumenye ikyo kyabwanaloli? Sikutoligwamo siku. U Mbepo Mwikemo ikumbula une, yula u Mbepo Mwikemo yulayula, ukuti kilipo ikindukimo muno ikilo iki kikunsulumanisya Umwene. Lilino, uyo yo ISI SYO IKUTI U NTWA. Lilino, fwanikisya ikyene apa, pamo Apo.

266 Une ngaya mundu mma apēgígwe kula ku fitima. Umma, nkulumba. Une mmenye katikati kũko une ngwĩma, kangi une—une mmenye Kyala. Uko ko kutalusya. Balipo bingi ba umwe mukulondigwa ukwĩma papapa apa kũko aba balindwana abakeke bali. Lilino, ngimba ugwe utisakwĩsa? Une ngukukubilikila ugwe. Une ndisakupepeka. Une itolo ngukubũla ugwe.

267 Umunduyumo āyobile, “Une ngakubonamo siku ukukōlèla kwapakigemo kũko u ndumbilili ikukemela ikilũndilo, mu findu bo ifyo.”

268 Iyo yo njila ikyēne kibagile ukubōmbígwa. Ugwe utikwĩsa kuno panongwa ya kapango kamo akasulumanisye, u m̄ama yumo ikufwa pamo ikindukimo. Ikyo kyo p̄asi pa kitima. I Lisyu lya Kyala lya iki ugwe kwĩsila. Ugwe utikwĩsa p̄asi pa kitima kilikyōsa. Ugwe kwisa kwitika ukuti Kyala yo Kyala, kangi ugwe uli mu nyumba ya bulongi bwa Ntwa. Kangi ugwe kwisa, ukupepeka inongwa yako.

269 Kyala akusaye ugwe, nkundwe gwangu, kalumbu gwangu. Ngulonda ukuponania ikiboko kyako, yoba une ngupalisya ubutobesigwe bwako ubwabwanaloli. Nkikulu nnini, une ngupalisya ugwe. Kyala akusaye ugwe. Umwene alipaga ugwe u Mbepo unkifu yula. Akusaye ugwe, nkundwe gwangu. Kyala ayege na ugwe.

270 Kamokene ukongelelapo, polelo uswe tukwigalaga. Ikyene kibagile ukwigala akabalilo kabumalikisyo, kyópe. Muketile? Une ngamanya ndili. Une ngusubila ikyene kitikubomba. Loli ikyene kibagile. Muketile?

Mpoki . . .

271 Isaga apa, kalumbu gwangu. Une ngulonda ukuponania ikiboko kyako, ndaga ugwe. Une ngupalisya u lwitiko lula. Ulo lo lwitiko ulwanaloli.

272 Isaga kuno, nkundwe gwangu. Une ngulonda ukuponania na ugwe, papapa apa. Une ngupālisya bwanaloli-ndumbula syīnu. Kyala abasaye umwe.

273 Isaga apa. Kyala akusaye ugwe. Une ngupālisya ubwanaloli bwāko, ukutēndēka u bwīme kuli . . .

. . . ngīsanania une.

Mpoki . . .

274 Fiki? “Ubwēgi bwa Kang’osi bwīsile, kangu u Nsīngilīgwa Gwāke itendekisye Mwene.”

. . . ukulila ukwakwīyīsyā;

Bo pa . . .

Komma ukungisania une. (Fiki?)

Une ngusūbila mwēne mu kubagila Kwāko,  
Ngimba une ngulondesyaga ikisyo Kyako;  
Bumbulusya iyāngu imfulasigwe, imbepo  
imbongotoke, (Kūko i Lisyu likekile mu  
yēne.)

Mboka une ni lipyana Lyako.

Mpoki, Mpoki,

Pilika ukwāngu ukwākwiyīsyā . . .

Bo Ugwe kukolela pa bangi,

O, komma ukungisania une.

275 Kumbukilaga, u Mbepo Mwikemo yo uyu akekile mu ndumbula yako, kangu isaga pamwanya apa. Inogona itolo isya mabuyo Umwēne akekile, kangu u mūndu yula atisakuyāmo nu būmi siku bula pāsi. Abēne akabalilo kōsa bisakukūmbukīla ikyo. “Linga indumbula syītu sikutobesya uswe mma.” Loli akabalilo kako ugwe gwisile ni kindukimo mu Lisyu lya Kyala, kangu ugwe ukukisania ikylene, ulo lo lukaya Luyungu lwa Abraham. Abraham ālyumilīsyē ulufingo lwa Kyala mu ndumbula yake, kisitakupasya iki kikwisa pamo kyābukaga.

276 Une ngupālisya bōsa aba bīmīle ukusyūngutīla i kigemo. Ulwiputo lwangu kwa ugwe, ukuti Kyala isakukupaga ugwe ikinyonywo kya ndumbula yako ikilo iki, nukubapela umwe abandu abakemisigwe naloliloli.

277 Bamo mwa bandu banini aba, aba bo kiMwenye, kiSpanishi, kiMexico, bōsa bīmīle ukusyūngutīla, abāndu aba bīyobelāga ukuya Bakristi, lumo, ku fyinja, lōli ukukēta ukuti ikyēne kyo kisobi. Abene bikulonda ukuya batalusye. “Basayigwa bo bene aba bikuya ni njala ni kyumilwa kuli ubugolofu, kabuno abene bisakwikutisigwaga.” Batobesigwe, bītendekisye ukukupela ikylene ukuya batalusye na Kyala, ukwisila mu figemo fya moto ifya bulongi bwa Kyala.

278 Kufīmbilisigwa ukwāgana ni kyēne kubuyobumo, bīnāngu. Umwe mukufīmbilisigwa ukwāgana ni kyēne kubuyobumo, polelo fwānikisya ikyēne apa. Komma ukugūlila mpaka

ndubunju. Ugwe ubagile ukugogigwa ikilo iki, mbufulale, mukubuka ku kâya.

<sup>279</sup> Itolo lululu ulu mu lukomano, une nâtëndike ukukôléla kwa pakigemo, kangi—kangi une nâkôlile, ukuya bo mûmo ikyêne kyâli mmwanya ku Ohio. Kangi ikilo kila, une nâsôkilèpo pa kiyûmba, kangi nâsôkilèpo kifuki amaminiti kalongo na mahano. Une ndinkupilika umunduyumo ikuywega, pa lubafu lwa nsebwe. Une ndinkwîma, ndikubuka kubwa kula. I ligali lyâli nu kutikana, lyâbopile mu lîngi. Kangi u nkikulu uyu itugesye pala, ali nu lutende fiyo, umwene âkwâbigwe panja pa busyûngutilo bwake, umwene ali nu lutende fiyo. Umwene agogigwe. Kangi umwene âyobâga ku mwanundindwana gwâke, pa nsebwe ukusuluka, uyu êndesyâga. Abêne bâli nagwe umwêne pala, bitêndekisye kuli kipatala. Kangi bosa babili ba abene bâbagile ukwisa ku kigemo. Kangi u mwanundindwana alinkuti, “Mâma, i lisyu lyâbumalikisyo umwêne alinkuyoba kwa une bo iligali likâli lyâtikile, ‘Une nâsobile ikilo iki. Une mmenye une nâbombile.’” Kangi pala u bûmi bwâke bwâkoleligwâga.

O, ugwe kuyoba, “Tkyo kitisakuboneka kwa une.” Ikyene kibagile. Ikyene kibagile.

<sup>280</sup> Kangi bule linga u Mbepo Mwikemo atikukutobesyamo ugwe kangi nukukubula ugwe ugwe uli nsobi? Polelo ugwe kwisakwendaga panja kwa Syepwa bo ulo. Kangi ugwe umenye, nu luko lula ulwa mbepo, ugwe ukabagila ukubomba ikyene. Nkulumba, keta kunyuma ukukinda mbumi bwako, keta mumo ugwe gwitugalile. Kangi keta kunyuma kangi keta linga ubwêne bo bunyâfu, bûmi ubwakwiyisya bwa Kristi, bukufwana lôsa na lyôsa lya Lisyu lya Kyala. Linga ubwêne bukaya mma, polelo isaga yaga ntalusye. Filipino... Nongwa ya fiki—nongwa ya fiki kwêga ikyakwîngilâpo, akabalilo kâko imyânya gîswile ni sayo isyânalôli isyapentekosti isi sisakusuka indûmbula yâko, ukukemesya u moyo gwâko? Ngimba ikyo kikaya kitalusye?

<sup>281</sup> Balinga abalûmbilili bali muno ikilo iki? Une ngulônda bamo ba umwe bakundwe ukwênda kuno na uswe. Ikyo kyo kili kanunu, nkundwe? Ena. Isaga kuno, ngimba umwe mubagile, itolo i miniti, bakundwe? Uko ko kotalusya.

<sup>282</sup> Yeso aatile, mu Lisyu Lyake, “Umwene uyu ikupilika a Masyu Gangu, kangi nukunyitika Une, ali nu Bumi Bwasypwa; atisakwisa mu bulongi, loli akilenie ukufuma ku bufwe ukubuka ku Bumi.” Mwikemo Yohani 6 alinkuti, “Kangi Une nisakusyûsyâga umwêne mmwanya kângi ku lisiku lyabumalikisyo,” u busyuke.

<sup>283</sup> Abandu, uswe, uswe tukufimbilisigwa ukwima ikyo. Uswe tukufimbilisigwa ukubomba ikyene. Ikyene itolo kikufimbilisigwa ukubombigwa. Polelo i... Ikyene kikaya kyakwipilika. Ifyakwipilika fikubuka ni kyene, ena. Uko



ko kotalusya. Loli ikindu kya ikylene kyo, kyo ndumbula ingemesigwe.

<sup>284</sup> Ega itolo i Lisyu lya Kyala, kangi nukuyoba, “Kyala, une nāsobile. Une nsulumenie une nābombile ikyo. Ugwe umenye indumbula yangu. Une nāsobile. Papapa apa pa buyo ubu, une ngwilata ubusobi bwangu. Kangi ukufuma ikilo iki, ukubuka nkyene, une nsōngigwe kwa Ugwe. Une ndi kiyabo kya Nsīngiligwa. Une ndisakubombamo siku *ikyo* kangi; nasiku ukundeka ubugasi bwangu butelemuke kangi. Une— une ngubombelaga bo nkikulu. Une ngwibombelaga ukuya bo nyāmbāla yumo. Une ngubombaga ifindu ifi i Libangeli likuyoba. Une ngwegaga Ugwe lululu lilino ku Lisyu Lyako.” Polelo ugwe kuya pa buyo bumo.

<sup>285</sup> Ugwe kwitika ikyo, balumbilili ba Nongwainunu? Ngimba ikyo kyo Bwanaloli? Uko ko kotalusya.

<sup>286</sup> Lilino, unko uswe twinamisye imitu gyitu mu lwiputo lilino, aligwesa gwa umwe, mu njila yinu mwibene.

<sup>287</sup> Kumbukilaga, palapala pa lubafu lwako yo Kristi. Pa nkyeni mwa ugwe, apa pa kigemo, bimile a Bakristi bikwiputa. Kunyuma kwa umwe; balumbilili ba Nongwainunu bikwiputa. Lilino, ikyo kikukubika ugwe nkati mbusyungutilano kya lwiputo.

<sup>288</sup> Lilino, ululato lwīnu, mu ndumbula syinu, mu njila yīnu mwibēne: “Ntwa, une ndi nsobi. Une nsulumēnie, Ntwa, une mbombile ifindu ifi. Une lilino ngulata ubutulwanongwa bwangu. Une ngwitika pa Ugwe. Une ngwitikisya Ugwe lilino. Une ngulōnda ukuya kiyabo kya Nsīngiligwa. Mu Ngamu ya Yeso une ngwiputa.”

Lilino, umilisyaga ukwilata kwinu pa ndumbula yako lilino. Lilino une ngwiputilaga umwe.

<sup>289</sup> Gwakumwanya Tāta, mūmo ikyēne kikusumanisya une utubalilo tumo akabalilo kāko une ngukēta pa bāndu aba banganile une, nu kukēta mumo Ugwe kwega i Lisyu nukulilambalika Ilyene panja pala. Ikyene kikukeka itolo ukukumba kwa lifupa, loli polelo Ugwe kwisa itolo ukusyungutila ukusisimikisya ikylene ukuya Bwanaloli. Ikyene kyo Bwanaloli.

<sup>290</sup> Apa bimile abanyambala na bakikulu, bópe na bakikulu banini, abalīndwāna abanini bimile apa ni mitu gīnamisigwe, na māsōsi mfisige fyābo, palapala pa bukilianio-misebwe bwa būmi. Une ngwīnogōna kūko abēne babagile ukumalisigwa, ukusuluka kula mu buniōngafu bula, ubutyōnga-tyōnga, bakabigwana-mōhēsi, ikibugutila kya bakubilwe-ni-misyētāno. Apa abene balipo, bimile apa ikilo iki ni ndumbula siineme, bikulonda ikindukimo iki abene babagile ukubika amaboko gabo pamwanya, ukuyoba, “Gwentwa Kyala, sukaga une ukufuma ku findu fyosa ifya nkisu.”

<sup>291</sup> Apa balipo abanyāmbala abakusi-pakati, abanyāmbàla abatubwa, abakikùlu abakāngàle, abakikùlu abakeke, bōsa bīmìle palikimo. Abene bikwilata ukuti bulipo ubusobi. Ugwe uyobile ku ndumbula syabo; abene angali bakālìmo siku apa. Ikyēne kikunāngìsyā ukuti abēne bakābagile nukusumuka ukufuma mfikota fyābo, kisita ilinogōno ukuya litalile litēndekìgwe. U Mbepo gwa Kyala ābasyungutile abene, kangi—kangi alinkuti, “Ugwe uli nsobi.”

Kangi u bumi bwabo ubunini bulinkuyoba, “Ntwa, polelo une ngulonda Ugwe.”

Kangi u mōhēsì alinkuti, “Itūgāsya kimyemye.”

<sup>292</sup> Loli u Mbepo gwa Kyala alinkuti, “Fyuka mmwanya.” Kangi abene balinkwēnda mu lupilikilo, kangi bimile apa pa kigemo.

<sup>293</sup> Lilino, bo une nāndīsye kwa Ugwe i Lisyu Lyāko, “Umwēne yūyo isakwīsa kwa Une, Une mu njila nayimo ndisakuntāgāmo pānja. Palema nalinga imbibi syako siyege ngesefu, isyene sisakuyaga nyelu bo matalala; ngesefu bo malesi, nyelu bo masapa. Isaga kangi gulaga kwa Une, bwalwa na mafuta. Ilipyana Lyangu lifwene. Umwene uyu ikupilika a Masyu Gangu, kangi nukummwitika Umwene uyu ālindūmīle Une, ali nu Bumi bwabwila; kangi atisakwisa mu Bulongi, loli akilenie ukufuma ku bufwe ukubuka ku Bumi. Kangi lilino u bwegi bwa Kang’osi bwisile, kangi u Nsīngilígwa itendekīsye Mwene.”

<sup>294</sup> Tāta, abēne bo Bāko. Abēne bo buponjoli bwa Lisyu Lyāko. Abene bali apa ukusugusuligwa na misi ga Lisyu, panongwa yakuti iyene yo Nongwainunu yinyīsusigwe. Ilyene litikulekako kalikosa mma. Ilyēne likutumula pāsì, ukufika ku buyo bwa bwānike. Ilyēne likwīpila imisisi, i misisi gya ngalalisi, i—i—i misisi gya kisitakupāsya, i misisi gya kīsū. Ukunyukula igyēne panja, Ntwa, na Mbepo Mwikemo. Sopa igyēne ukufuma ku bāndu aba.

<sup>295</sup> Une ngukaba abēne kuli Ugwe ikilo iki, Yeso, ukuya bukabi Bwako bwa pa gwīmwēne, ukuya sangalabwe-imbala mu ngiga Yāko, ukuya mbakasya sya Nsīngilígwa Gwako. Une ngwiyobela i myumi gyabo. Une ngwiputa ni ndumbula yangu yosa, na balumbilili aba, aba babombi aba Kyala gwabumi. Une ngusuma ukuti Ugwe kusosya ngamo ukufuma pa bene, Ntwa, ifindu fya kisu, nu kubapa abene ubukifu ukwima nkisyo kya Sétano. Tupaga ikyene, Ntwa. Uswe tukwitika Ugwe kubombaga ikyene. Ugwe gwātìle, “Nsuma Tāta kalikōsa mu Ngamu Yāngu, Une nisakubōmbāga ikyēne.” Lilino, Ugwe ukāyobilemo siku, “Uu, lumo une ngubombaga ikyene.” Ugwe gwātìle, “Une ngubombaga ikyene.” Kangi une ngwitika ukuti ikyene kyo kyabwanaloli.

<sup>296</sup> Lilino, ukwēne kōpe kusīmbígwe mu Masimbo, “Mu Ngamu Yāngu abēne bisakusatisyaga imisyētāno.” Ikyēne yo mōhēsì uyu ābagile ukwēga u nkīkùlu unkeke pamo u nkīkùlu, nu kōnānga u

būmi bwāke. Ikyēne yo mōhēsi uyu ābagile ukwēga u nnyāmbàla nu kōnānga ubūmi bwāke. Kangi une nisakugomokelaga ngamo akapango akanini aka, Ntwa, mu lwiputo lwangu. Kangi une ngusuma ukuti Ugwe kumbilika une, kangi kwisakwāmula ulwīpūto lwāngu, ukuti aligwēsa gwa aba bisakukabikgwaga ikilo iki ukuya mabwe-mapala ga Kitāngalàla. Abene bisile. Kangi une ngufimbilisigwa ukwamula panongwa ya masyu gangu ikilo iki. Kangi apa abene bisile ukwima na une, kangi ukwega ubuyo bwitu ku lubafu lwa Kristi.

<sup>297</sup> Lilino, Sētāno, ugwe utāgile ikyēne. Ugwe gwākyūngile banandi ba abēne ukugomokéla, lōli ugwe ukāpōnjwile ubwīte mma. Yeso aatile, “Umwene uyu ikwisa kwa Une, Une mu njila nayimo ndisakuntagamo panja.”

<sup>298</sup> Sētāno, une nguyoba kwa ugwe, ukuti ilisiku limo ālipo u ndumiana unnini uyu ātīmāga i ng'osi sya tāta gwāke. Kangi i ngalamu yilinkwīsa nkati nu kwēga yimo mwa syēne, yilinkwēga iyēne pānja, mbubibi ukuyībōmbēla iyēne, kangi yāyāga pakuyōnānga iyēne. Lōli u ntīmi ugwabwānalōli unnini uyu, umwēne akāli nafyo fīngi fiyo lōli i fyāta, lōli umwēne āli nu lwītiko mwa Kyala ugwābūmi. Umwēne ābūkīle ukukōnga ku ngalamu yila, kangi umwēne alinkunkōla umwēne, kangi umwēne—umwēne alinkungoga umwēne. Umwēne alinkufyūka mmwanya ukulwana nu mwēne, kangi umwēne alinkunkola umwēne pa ndefu syāke nukungoga umwēne. Umwēne ālyēgile ing'osi ukufuma nkanwa kāke, alinkwēga iyēne ukugomokela ku ndeka kuli u bubumbulusyo bwāke.

<sup>299</sup> Ugwe gwēgile ing'osi imbala isi isya Kyala, abakikulu aba, gwe gwābapelaga abene ukutumulako inywili syabo nukufwala ifyakwipaka, nu kuboneka ngati ifindu ifi i Bāngéli likukānisya, kangi ugwe gwālinogwine ugwe gwābakabile abēne. Lōli une ngwisa na aka akanini aka akafyata akanini aka ka lwīpūto. Une ngubatwala abēne ukugomokéla ikilo iki. Ugwe ukabagila ukubakolelela pabutali kangi mma. Ugwe utoligwe ubwīte. Abanyambala abapala aba bimile apa, abakang'osi ba Kyala, bābula abene babukege. Uswe tukukufimbilisya ugwe, mu Ngamu ya Ntwa Yeso Kristi. Une ngubīka pakati pa tuyīlo utu nu bugāsi, nu bulogwe na kilikyōsa ikyēne kibagile ukuya, une ngubīkāpo i Lilopa lya Yeso Kristi, nu lwitiko, pakati pa bene ni kindu kila kangi. Ugwe utikubakólaga abene kangi mma. Abene bali mu ndeka ya Tāta. Abene bo bana Bake. Sōkako ukufuma ku bene. Mu Ngamu ya Yeso Kristi, une ngukufimbilisya ugwe.

<sup>300</sup> Akayapo u mōhēsi mu gehena abagile ukukupalamasya ugwe, linga ugwe kwitikaga ikyo. Ugwe ukupililigwe ni Lilopa. Ugwe usyungutiligwe nu lwiputo, balumbilili ba Nongwainunu, kangi batumigwa ba lwitikano, lwiputo. Aligwesa gwa umwe mwimile apa, isaga pamwanya apa, mmenye ukuti umwe mwāli nu tuyīlo, ni findu ifi umwe mwāli ni soni nafyo. Linga umwe lilino mukulāmbalika ifyēne pa kigemo kya mkuba kya

Kyala kya bulōngi, kangi mwisakwītikisya ikyēne lilino ukuya buhobokelo bwīnu, ukuti Kristi ikupa ubwene kwa umwe, ngimba ugwe kutendekega ukwīyipa kula ukwisila mu lwitiko, fyusya ikiboko kyako nukuti, “Une lilino ngwitikisya ikyene. Ikyene kibukile. Kangi ukufuma ilisiku ili ukukindilila, une ndisakubombamo siku ikyene kangi?” Ugwe upokīgwe ni Lilopa lya Yeso Kristi. Ameni. Ameni. Lutufyo luyege kwa Kyala.

Ngimba alipo aligwēsa uyūngi ikulōnda ukwīsa, ukwīngila nkibugutila iki?

<sup>301</sup> Ngimba balipo balibōsa ababine nkiyumba, ngimba babgīle ukwīma kuli u lwīpūto pa kabalilo aka? Ima mmwanya.

<sup>302</sup> Une ngulōnda aligwēsa gwa umwe apa, linga umwe mukaya—linga umwe mukaya mbakasya sya kipānga kimo ikinunu kya Nongwainunu inyīsusye, ukubūka ku kimo, iki linga ugwe ubagīle, linga ugwe kwitugasya kifuki apa. Yaga nu ntimi nu kōsīgwa. Kangi polelo linga ugwe ukāmbilīla u Mbepo Mwikemo, suma Kyala akupepo ugwe u Mbepo Mwikemo nu kwisusya ugwe, ukupela ugwe u mbakasya gwa Nsīngilīgwa.

<sup>303</sup> Kēta panja ukukilania kula, bakundwe, ku bandu ababine. U mōhēsi akabagila ukubakola abandu bala. Aka ko kabalilo ka kwabūla. Haleluya! Ngimba umwe mutikwitika ikyo?

Unko uswe polelo twinamisye imitu gyitu ku lwiputo.

<sup>304</sup> Kangi aligwesa gwa umwe bāndu panja pala, mwe muli nu bubine, umwe mwe mwimile, bika amaboko ginu yumo pa nnine. Yeso Kristi ayobile, “Ifika ifi fisakukongaga abene aba bikwitika. Linga bikwala amaboko gabo pa babine, abene bisakubumbulukaga.” Kolelela amaboko ginu yumo pa nnine. Lilino, komma ukwiyiputila gwimwene. Ugwe gwiputīle umundu uyu ulinago a maboko gako pa mwene, panongwa yakuti abene bikukwiputila ugwe.

Unko uswe twipute palikimo lilino ukuya Kipanga kya Kikristi.

<sup>305</sup> Ntwa Yeso, uswe tukupalisya panongwa ya buponjoli ikilo iki, imyoyo gikwisa kwa Ugwe. Lilino, u mōhēsi asipīmibile simo mwa ng’osi Syāko, nu bubine. Uswe tukwīsa ukubakaba abēne ukugomokēla. Kangi ukuya Kipanga kya Kyala gwabumi, uswe tukukemela u mōhēsi, nukuyoba, “Basanusya abandu ababine aba ukwābuligwa, Sētāno. Uswe tukukufimbilisya ugwe mu Ngamu ya Yeso Kristi, ukuti abene babagile ukubumbulusigwa.” Ilibangeli liyobile, “Ifika ifi fisakukongaga abene aba bikwitika. Linga abene bikubika amaboko gabo pa babine, abene bisakubumbulukaga.” Ulo lo lufingo lwa Kyala, kangi uswe tumenye ukuti isyene syabwanaloli. Abēne babumbulusīgwe ni fulale sya Ntwa Yeso Kristi.

<sup>306</sup> Lilino, linga ugwe kwitika ikyene, fyusya ifiboko fyinu nukumpa Umwene ulutufyo. Ameni.

<sup>307</sup> Umma ndaga, ntimi, ikyene kyo kyosa kyāko. Kyala akusaye ugwe, nkundwe. Kinunu fiyo ukuya na ugwe ikilo iki. Kyala ayege na ugwe.

Kyala abasaye umwe, bakundwe apa. 🐦

62-0121E U Bwēgi Bwa Kang'ōsi  
Kitembe Kya Bulilani  
Phoenix, Arizona U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)